

四庫全書

史部

欽定四庫全書

淳熙三山志卷四

宋 梁克家 撰

地里類四

子城

閩越王故城今府治北二百五步晉太康三年既詔置郡  
命嚴高治故城招撫昔民子孫高顧視險隘不足以聚衆  
將移白田渡嫌非南向乃圖以洛郭璞璞指其小山阜曰

是宜城後五百年大盛於是遷焉唐中和中觀察使鄭

鑑始修廣其東南隅

先是開城南河有人得石記云五百年城移東南本地合出連帥自

太康至是適五百年閩川名士傳以為陳巖閩人為連帥之應舊記作七百年

大德元年陳巖復

修

巖傳云恢其形勢甃之甃石舊有觀察使林嵩為重修子城記在作院內

王氏國閩壁壘

驛山樓櫓庇馬城益堅緻矣

乾寧四年王潮築永平城梁乾化二年審知築內城恐即

此城後歸吳越至皇朝太平興國三年錢氏入朝詔墮其城

不用四海混同人無外虞斷垣荒塹往往父老徒指故跡以

悲

舊子城二百三十三步有小牆周圍在

皇祐之後始有建請修築外城者尋亦

寢議熙寧元年章大卿岷秦竊見州城四十餘里自屬  
天朝官吏因循歲歲毀圯茅牆數尺霖雨連澍迄至傾  
頽亦有居民冒蓋屋宇者今來相度欲只就舊基脩築  
子城便願委本路轉運使同共計度若允所請乞降度  
牒三二百道添助支費有旨令轉運提點刑獄各具相  
度以聞尋復奏交趾蠻人聞自廉雷將趨廣州本州邊  
海萬一乘風奔衝何以禦捍乞檢尋前狀許令脩築子  
城從之仍給度牒一百五十道

每道許賣一百貫足是歲六月也

會岷移海州議者猶以子城故狹而表猶六七里費與

役廣恐不能成程大卿師孟謂轉運使曰第得錢二千

萬半歲可就乃以二年四月始事益以西南隅周九百

五十丈

舊子城西至宜興門今又廣至豐樂門

厚五尋而綑其半崇得五

之四表裏累以甃石上設女牆其下覆以攘瓦為臺名威

武以抗其隅創九樓城上

時師孟奏女牆用灰飾開箭牕結流道水溝井敵樓角樓

記言創樓下負牆為亭三

一曰雅歌二曰澹其隍為橋九見府治

十二城見內外壕門拒以一鍾䟽以二門費緡錢一萬九百七

十四用工十一萬七千三百八十九日卒功

時於後圃草中得朴

石乃陳巖修城記歲適三歷已酉矣九年許門下將為記

三年勅知通都監常務點

檢修葺俾勿壞轉運提點刑獄遇巡歷檢察之八年元

郎中積中以女垣善壞乃悉撤其覆

本欲為屋併覆女牆會交趾叛白禦

暴不待屋也乃併撤其舊所覆城面椽瓦

梵以重甃密置候樓皆得瞰臨之

勢紹興元年范汝為據建州程待制邁乃發蒼石累虎

節定安豐樂康泰為四甕門設敵樓閱月乃成三年八

月張叅政守毀虎節甕門後舊門明年正月復定安十

五年四月莫尚書將復二門其敵樓各從門毀之今門

七

南虎節門

雙門祥符九年嚴侍御辟疆新而名之嘉祐四年元給事絳重作熙寧二年修政和

六年黃尚書裳重修

門外還珠門

雙門舊龜頭門偽閩龍啟元年作嚴侍御辟疆改今名寶元二年范都官亢修

政和六年黃尚書裳修紹興七年居民火拆勝以禳之尋重立

東南定安門

閩王審知作嚴侍御辟疆更名今梁間有八月庚戌樹立六字乃閩王時題至

是修政和六年黃尚書裳重修

東康泰門

梁乾化二年八月十九日閩王作名東康泰門治平元年給事絳重作更今名上有樓

名東山

西豐樂門

舊羅城門初嚴侍御辟疆更名樂輸以近都倉也至是拓子城遂為子城門建炎間

建寇攻城惡輸字更今名淳熙改元鄭提刑良嗣重修

門內宜興門

舊子城門也嘉祐八年元給事絳作至是拓子城不撤今仍存

西南清泰門

羅城

唐天復元年王審知創築羅城四十里

舊記云五十二里設大



門及便門十有六水門三

舊有觀察判官劉潞作熙寧修羅城碑在利涉門外

二年既增築子城西南羅城西門缺不復作

豐樂門已為子城西

門政和五年利涉門災羅城南門復廢不治二方雉堞

湮沒斷絕遂與夾城通矣門今存者六

南利涉門

雙門上有重樓挾閣前安泰橋政和五年災

東南通津門

嚴侍御辟疆名兼濟康定二年沈都官邈更今名

東海晏門

嚴侍御辟疆名熙寧六年丁肇修淳熙五年沈樞密復修今俗呼鷄鴨門

東北延遠門

崇寧二年王祕監祖道重作門外橋欄石刻通遠必舊名也

北永安門

熙寧三年程大卿師孟重作門外緬柳橋西千騎橋

西北安善門

興閩王王審知作上有樓熙寧三年修紹興七年俊修廢樓內有鹿項門今西湖

旁熙寧廢其外城距子城數步正偽閩為複道處

西南清遠門

今俗呼鴨門崇寧三年修舊以豐樂為羅城與清遠城接故中間又有金斗門

熙寧拓子城遂自金墉橋以南皆無城門亦廢

### 夾城

梁開平元年

偽閩錄云二年

王審知初築南北夾城

南夾城今寧越門東

西一帶北夾城今嚴勝門遺愛門一帶

謂之南月城北月城

黃滔萬歲記新城似月圓

南城大門累博覽設懸門外樓櫓七十間便門六水門

二濬壕以通潮汐北城大門二便門五

南城大壕百五十步北城濬壕

通西湖黃滔記後漸湮塞今多豪右租占

李仁達時唐兵攻之不下初王氏

築城令陶者印塼悉為錢文及兵退仁達果歸錢氏今

### 門六

南寧越門

雙門梁開平二年閩王審知作名登庸以協郭璞遷城之識長興二年延鈞改為閩

光嚴侍御辟疆更今名

東南美化門門內水步門

水步門內西通登瀛坊有橫門俗呼上門有土牆南

走至美化門西遂踰九仙之麓抵寧越門宣和四年攝州事俞提刑向修舊臨河務美化門

### 東北井樓門

### 北嚴勝門

崇寧四年葉吏部棟修

### 西北遺愛門

舊名昇山治平元年元給事絳作明年移尹南京父老請于府願以公之政績

名之遂  
更今名

### 西迎仙門

門外通  
治山

### 外城

皇朝開寶七年錢昱築東南夾城

東夾城今行春門南  
北南夾城今合沙門

東西即今外城也按錢昱自作記題作重築云晉開運三年丙午江南舉兵大侵疆境當矢石之地最甚東南二城周顯德六年已未始增土補其缺壞累石立其歇邪既欲速成墮頽低下至是始經度脩築則是自王氏以來有南自光順門而西即合城三百二十九丈其門此城矣

樓六間敵樓三十間

記不言光順門以東恐是時不曾築今東邊城具存

東至東

武門而北

即行春門

安邊臨江門樓皆五間便門二

一湯中一船場

敵樓九間城二百七十四丈開沿城河二千九百尺自

東武門而南門樓三間敵樓二十四間城三百一十丈

開沿城河三十六百尺凡城高丈有六尺而厚半之石

其基累甃而覆以屋二年乃畢

記云凸則為基坳則為池今兩城東南皆遇水

而止又云東臨大江西接平陸見當時沙洲未合城猶近江也

三年而墮之因其址茨

小垣以周焉王氏自忠懿在位既久遭五季兵革為其

國深慮重壁累塹至於三四周回繚繞外城西北遂與

羅夾樓堞相屬益完固矣一經毀廢迄未能復皇祐四

年詔曹待制穎叔以漸開修乃自嚴勝門始甃百五十

丈

時蔡襄作穎叔知福州誥詞有爾其繕除兵械補完城堞之語今所甃尚存

嘉祐元年蔡

密學襄奏本路建劔汀邵地連兩浙江南乘舟下水至

州城不過三二日東南邊海溫莆泉漳諸郡船皆可至  
今城牆高止數尺頃儂賊之變嘗詔本路修葺城壘近  
曹穎叔復只築數十丈願計度卒城之時重惜民力有

旨沿海分界有盜賊可窺伺之處令擘畫防備

見端明文集有

知福州自乞相度開修城池奏狀云福州外城周圍約  
二十里工料極大若行修築湏至科點丁夫配約物料  
收拾備足一兩月間便要了當若候兵士功役空  
延歲月乞降旨揮檢計如重惜民力亦係朝旨熙寧

九年交趾叛提刑司奏福州以土垣為羅城緩急無以  
守禦乃下本路相度仍命兵馬都監郝永德提舉脩之

轉運使徐億奏本司歲入所積支用殆盡

時詔沿海州軍脩築城壁

令轉運鈐轄司同共檢計人工物料已有見闕以聞億

奏泉州添修外城已約八萬餘貫外福漳州興化軍並

係創新開築細計湏五十餘萬貫本司逐年所收雜納

等錢只及八十萬貫粗了年計惟常平苗役歲寬剩十

五萬貫已應副修城之役本為保民今城三千四百餘

丈用物料二十萬二千九百餘緡十九萬九千二百餘貫甄石灰竹木價錢

三千七百餘貫係樓櫓用鋸木匠雇工錢兵夫三百三十七萬三千四百餘

工十一萬三千四十工本州軍工自備三百二十六萬

三百七十一工每工每日支米二升計六萬五千二

百七石四斗二升鹽菜錢十文計願借民力以成之尋

三萬二千六百三貫七百十文足



以歲末豐稔遂罷宣和三年方臘反州鄉老李全等復以外城為請廉訪司奏本路有封椿鈔旁定貼錢十五萬緡望行取撥與居民願出備錢物併力完築有旨令壯城廂軍以漸開修時余太宰深復奏乞依元豐法制

建創外城乃下轉運提點刑獄鈐轄司審度

諸司以元豐法邊城

高二丈廣加四之一綱其半為上之廣壕三重又有甕城羊馬城釣橋之屬今打量外城長三千三百七丈高二丈底闊二丈五尺上收一丈共用人匠八十一萬三千一百餘工物料十五萬三千四百餘貫既

而以賊平復罷建炎二年詔諸路城壁令守令勸誘官

民戶助修不足申省給降錢物本州計度當用緡錢二十萬民貧產薄助者實鮮乞給度牒一千三百道尋降五十道遂止紹興二年十一月臣寮建言闕在今日實作屏翰泉福皆號巨鎮泉城稍固望特詔福唐度修城池仰寬南顧之憂有旨令帥臣相度張叅政守奏城周六千八百餘步顏基廢址占佃者衆重以地多沙礫所費不貲略行細計緡錢約七十萬米六萬斛軍興以來公私困竭夏秋大旱米斗千錢乞候豐歲為之乃寢今

壕隍湮塞半為民田矣外城門六

南合沙門

嘉祐八年元給事絳作名遠南政和二年張殿撰勸修更今名宣和三年攝郡事俞

提刑向修

自南臺渡江十里合沙門次寧越門

次利涉門次

還珠門次虎節門次威武軍次都督

府門嚴譙凡七程大卿詩七重樓向青霄動王尚書詩七樓遙直釣龍臺政和五年利涉災今六譙

矣

東南通仙門

美化門之南嚴侍御辟疆名樂郊後更今名

東行春門

嚴侍御辟疆更名景祐二年梁比部逸修

東北湯井門

外湯路即安邊樓門也

船場門恐即臨江樓門也

西怡山門治平元年元給事絳作

### 城塗

州城九軌之塗四州至寧越門鳳池坊至行春門依仁坊至開元遵義坊至豐樂門六

軌之塗三行春門至天慶觀寧越門至合沙門興賢坊至羅山寺東四軌之塗八清泰

門至儒宗坊拱星坊至羅山寺西侯官坊至延祥前豐樂門至迎仙門壽帥坊至旌隱坊登瀛坊至水步門慶

成寺前至三軌之塗七美政坊至通仙門聚英坊至登乾元寺前俊坊忠順坊至閩縣棣華坊安

善門至其他率增減於二軌之間雖窮僻側足皆石也鹿頂門

偽閩以來涂多凹弊石亦未徧康定元年鄉民黃浩然

等砌東瀆熙寧以後道士顏象環勸募周更營幹凡三

十一年至夷康山鐵塔二嶺道左刻施者姓名與其歲

月

東門刻元豐八年陳奕砌東路刻熙寧十年衆砌河西刻蔡宗與衆砌南門刻何日華男亮成砌陳植贈

象環詩銷整新塔統郡城知師才智善經營為憐世路多傾側故使行人盡坦平一府輪蹄還往便千門箕帚掃除清樂遊橋上紅塵接未免區區事送迎政和二年林瑤與衆砌永安門

州產榕木河堤官廨多植之

陳擇贈元給事詩榕葉堂前坐晝陰

治平四

年張郎中伯玉令通衢徧戶濬溝六尺外植榕為樾歲

莫不凋熙寧以來綠陰滿城行者自不張蓋

程大卿詩  
蒼烟巷陌

青榕木政和中黃尚書裳蔣補其闕今定安宜興新河無

恙東南數里僅存數株矣

### 子城坊巷

由儀門而東入東康門抵康泰門

州便門  
路也

由儀門而西入西園門折出威武營

宜興  
門內

由儀門而南威武軍門又南虎節門

舊街東民居於溝  
外設店鋪中為廊

以便行者往來  
乾道四年吳憲龜年攝郡以街  
南北與譙門相望不宜偏狹  
今拆入近裏架造廊

路遂塞

東依仁坊

子城廂治平記東定安坊西宜興坊各以其方之門名之

西遵義坊

後更今名仁義表東西也慶厯中蘇提刑舜元開井號蘇公井鉾之石欄子城九外

城五今隨方具之由豐樂至定安其井三由臺門至虎節門其井六臺門第一井以銅為礮水用之漏壺輕重適平歲久多堙建炎四年程待制邁悉濬之

由依仁抵定安循城出虎節之東曰東衙

舊官廨所在也其南有東

總門今皆為民居小巷經緯二

由遵義抵宜興循城出虎節之西曰西衙

舊有西總門出其南小巷

經緯三蔡公襄於西總門之東創醫學  
東總門之西揭示聖惠方見治平圖

由宜興抵豐樂即都倉前熙寧二年築子城環城下內

外甃甃為涂

登新城詩云  
白晝免探湯

宜興坊南並渠抵清泰

門  
西中

羅夾城坊巷

由虎節南至合沙門又南至江

東

鳳池坊

地名十字街頭舊號左通街許公將遷右丞  
郡守葉吏部棣易今名以期之鳳池亦鄉名



也

大隱坊

舊號都市韓通直召之祖之居崇寧間舉八行黃尚書裳易今名

使旌坊

地名大石井李大夫浣嘗任漳守鄉人因名云

嘉榮坊

地名南營政和間李大府知婺州後其子提舉衛東鄉人榮之故名內蘇公井一

旌隱坊

地名館前沈郎中舍五十致政還鄉隱于城南宿猿洞三召不起以為轉運判官元始事

因名其坊

內北發政坊

舊內有居養院安濟坊元符元年置以處不能自存者月以丐者之半給之

驍騎坊

駐泊營名

漣漪坊

臨河

朱紫坊

地名新河舊號三橋朱通奉敏功之居昆仲四人皆登仕版通奉享年九十餘子孫繁盛

朱紫盈門鄉人因以為名

內南鄉行坊

陳祖武政和二年特恩轉運使欲舉其行實力辭之乃名其坊為鄉行仍

手札以旌之

興賢坊

內州學舊曰進德政和行舍法改今名學之東有閨時太妃宅今猶呼蘇公井一

西

登俊坊

地名楊橋舊曰右通衢宣和間改名春風樓前有蘇公井一

郎官坊

以劉濤子孫皆為郎故名陳先生烈之居

興文坊

地名塔巷舊曰修文其中舉人數不利陳知縣肅改修為興其年登科

新美坊

舊黃巷永嘉南渡黃氏已居此乾符六年黃巢僂路圍福州觀察使韋岫敗而遁遂暑焚

城中至崇文館校書郎黃璞之居曰此儒也滅炬弗焚惟此一巷以璞免黃巷名因此益著崔大夫

及第因改今名

元台育德坊

舊安民巷劉中奉藻以孝聞郡上其事詔賜粟帛以旌之因號其坊曰錫類余

太宰深登庸以其舊居改今名

聚英坊

內紫極宮故名仙居後崔李二姓咸顯貴因改名

利涉坊

利涉門之旁

桂枝坊

以鄉名安泰橋下蘇公井一萬壽寺前一

候官坊

內候官縣近里人以候闕日久改為官賢將官衙前蘇公井一

內南道山坊

以道山亭名之內有道士井初晉時林氏入閩有華陽道士謂之曰可鑿

井於南山下遇磐石則止乃如其言俄有白豕躍入其中泉遂湧至今旱不涸

西儒宗坊

北名山堯鄭司業南所居舊名延平

由鳳池東抵行春門外

北

介福坊

內元明王祠鄉人祈禱之所

振名坊

並地名後河陳太丞以方醫名京師既而彭文嗣登第因名

太平公輔坊

地名坊門舊以通太平寺名坊紹興末朱公倬拜右相王尚書師心加公輔二

字以名之坊尾舊有開元坊今無開元寺前蘇公井一

高行坊

地名鄉習營以驍勇名坊蓋內有駐泊營也後趙伯尚舉八行改今名

秀實坊

舊曰升秀士人有累舉不第者後有登科故名

內壽寧坊

通井樓門

忠順坊

舊名延慶以慶成寺前延慶橋名陳奉議景參三世登科郡守欲號顯裔以其私諱乃詢

其字或曰字子孝守曰以孝事君則忠以敬事長則順故名之慶成寺東舊有南禪坊今無寺前蘇

公井

閩都坊

舊曰閩會縣治在焉

海晏坊

海晏門之旁

喜壽坊

卓推官之居其母陸侍郎藻之姊也侍郎治郡日年八十餘尚寧健因以為名

棟華坊

地名湯巷鄭氏兄弟三人中武舉杜廷試為第一因為名

溫泉坊

地名內湯

南

思義坊

舊曰阜財交易所也  
通大隱坊地名廠下

連桂坊

地名梳行黃給事唐傳之居  
兄弟繼登科第延康名之

清泰坊

地名石井大觀中李  
殿撰畸立識時也

朝士坊

地名小石井以朱  
大夫敏元之居名

仁慶坊

舊曰捉生偽閩營黃尚  
書裳以其非雅改之

拱星坊

閩王時號  
新路口

華萼坊

閩王時  
號新市

美政坊

舊名施攻  
地名河西

出通仙門外冠賢坊

黃國錄倫兩  
優釋褐立

習浦坊

地名河東天聖中李屯田正登第子述繼之葉吏部名其坊曰世顯初郡人有詩云疑是

分開渾沌初奔奇走秀兩相於等閒開園多栽竹到處人家盡讀書宴飲直嘗千戶酒盤飧唯侯兩潮魚九華峯頂真仙宅習浦坊中出輜車鄉人以久無第進士者乃剽詩以更其名今又

為習浦

狀元坊

舊曰國練坊嘉祐八年因許將狀元改

尊儒坊

蔡伯佈字景蕃祥符九年應童子科真宗賜詩七闋山水多奇俊四歲兒童出盛時家世舊

傳清白裔嬰孩自得老成姿纔方學步來朝謁未及能言便賦詩更勵孜孜圖進益青雲千里有前期授東宮侍講暇日畫村民以嬉目而蒿且有菜色帝適見而詢焉對曰臣所居州蓋瘴鄉也



故其人皆然

帝嘆久之

東嶽行宮坊

行春門外地名  
舶塔頭通天慶觀

繼韋坊

高縣尉介卿與子安  
世同年登科故立

南入拱星坊直抵通津門由通津門至羅山寺角西出

興賢坊

東舉廉坊

地名黃廉倉黃鄭初入闕  
所居後陳尹舉八行改名

潤澤坊

閩橫街營山義井  
二葉吏部闕名

高節坊

舊名嚴師因林提學徽之名後  
楊通判幹引年致仕更其名

至喜坊

胡氏兄弟文炳文  
煒同時登科因名

濯纓坊

通使  
君

化成坊

舊鐵冶坊  
冶鑄之所

登瀛坊

舊九仙坊地名仙  
跡水步門大路

仙跡坊

亦通九  
仙山

西積貨坊

近市黃尚書名  
內過捉生營

連榮坊

通小石井舊曰既富以樊氏  
兄弟仁連仁遠登科改名

嶽臨坊

內嵩嶽行宮丁戌山之巔南  
舊有安福寺崇慶塔號新塔

壽帥坊

王端明祖道之居端明兩知鄉郡移知桂府故名西通旌隱坊地名館前蓋閩越

時五州諸侯館  
所至今猶呼云

兼濟坊

通津門之旁  
門舊名兼濟

坦履坊

西通朱紫坊沿河  
一帶地名新河

中狀元坊

紹興十二年因  
陳狀元誠之立

全勝坊

地名羅山寺角今法  
海寺也以舊營名

由豐樂門至迎仙門

中亮功坊

余太宰深府第政和中賜賢  
弼亮功扁郡人因以名坊

南永和坊

地名小排營

北西湖坊

舊有贊城坊以城里為名今無

由豐樂城而北西踰宜秋橋

宜秋坊

通西湖坊

不踰橋而北出安善抵遺愛

拱辰坊

北州

熙然坊

政和中黃尚書裳再任日立亦識時也

由清泰門出清遠門外

地名後街東通大街

中豐盈坊

舊楊橋坊

西大水流坑

小水流坑

並通浦尾

棣錦坊

舊通潮巷以二陸皆知鄉郡改今名

文儒坊

舊山陰巷後改儒林以鄭祭酒穆之居改為文儒

甘液坊

地名方井即蘇公井也

中光祿坊

舊曰閩山光祿卿程公師孟游法祥寺置光祿吟臺因以名之

西風憲坊

清遠門外余太宰之兄待制清之居擢為御史俄改今名

由康泰門東行折而南出井樓之西

北麗景坊

地名東瀆

由麗景坊北行出延遠門抵嚴勝門

昭利坊

祐正坊

俱以昭利王祠故

內外城壕

附橋梁

舊記州東帶滄溟百川叢會控清引濁隨潮去來吳都賦所謂潮汐池幾是也今城東南地勢卑平潮上大江

自南臺

城南有越王釣龍臺故名

東北入河口津經通仙門

舊樂郊門後以

土人嫌樂落音同改

美化門之東至臨河務入南鑠港

水北過德

政橋

古渡也紹興十四年僧覺漸作闊九丈為三門號曰新橋曩時大義白田諸渡至河津及城南有東

通者皆出灣橋欲徑者此渡焉或曰自橋立東走者免百步之迂然北山七十里之水會于灣橋之北駐而後進行未百步復逡巡于是橋之下時潦暴至尾洩不逮東湖數十里田畝莽為水病由此故也今考舊記則不然東湖自晉開鑿正欲受北山之水民自堙塞而為田豈橋之罪哉乾道二年創亭至去思橋為

羅城大壕

即灣橋也南從江岸開河口通潮北流至灣橋浦遂通東湖直如溝瀆號直瀆浦相傳亡

諸時四面皆江水此如屋輿舟揖所赴北會山原東達行路其時已有橋惟木性喜腐更草莫得詳聞王時始

以鴻名橋至皇朝開寶中錢昱脩景德元年謝即中泌  
謀易以石州民陳祐等奔走營集泌去三年而橋始成  
後泌死州民相與縞素嚴侍御辟疆問之曰我皇朝刺  
史十四人而爾獨拳拳于茲何於是嚴尚嚴故祐等皆  
曰侯於吾民天地也不張權不恃威兄弟而爭者訓之  
頑梗者責之訟幾乎息矣嚴聞其言刑亦為寬祥符七  
年改曰通津崔軻記熙寧八年元即中積中慕謝之政  
於是舉何武故事改曰去思大書于橋左後五十年陸  
侍郎藻守鄉郡始措民居而亭之朱欄鴈齒縹  
碧凌空亦一時壯觀也俞提刑向記植于橋右過橋北  
出鑠港設水門但散入東湖舊記在州東北周回二十  
湖同時開鑿今漸堙塞為民田慶厯其西分為三一自  
中作記只曰漸堙塞是猶有湖也

通仙門之南入通仙橋

乾道三年始創亭

西行經洗馬橋

合沙門外



時洗省馬於此橋之東別分一支南橫通韭  
菜橋又東西分為兩支而南名曰玉筋水 而西會于

夾城壕之西南隅一自美化門之西入教場南過寧越

門外九仙橋

有景德四年林洪範為閭光門合沙新石橋記大略言南城之壕實要津焉先是壕

梁造以官籍之數歲理日葺軍什即役相顧其咨虞部  
袁公召緇流地民好善者示以石梁之議人樂其便逾

時告成或曰梁開平二年閩王作名合沙按開平四年  
翁承贊同閩王有登水閣詩軋軋朱輪下九霄登庸門

內駐星輅他時若問今時事只有南邊是舊橋注橋名  
合沙然則二年蓋修之也迨皇朝元符二年顏象環亭

其上更今名橋東有湖閩王築南月城因設大壕百五  
十步後為蓮池宣和五年榜曰南湖今多堙為田矣旁

薰風亭楔遊  
亭東蘭堂

西踰宿猿洞趾過西門迎仙橋乃北通西

湖至遺愛門池橋

舊記西湖在州西三里蓄水成湖可  
蔭民田偽閘又益廣之迤邐南流接

城西大壕直通南蓮池父老相傳閘時湖周回十數里  
築室其上號水晶宮時攜後庭遊不出莊陌乃由子城

復道跨羅城而下不數十步至其所今宮跡猶存民田  
其上而湖盡為民田及菱池矣異時太守出西湖觀競

渡則知與南湖通也舊記云亡諸  
時湖中山一夕飛往臨海其說誕一自德政橋之西南

至河西橋以西

大中祥符二年作紹興二十六  
年鄉人更名使君以開名之也置閘舊名

清水堰今吸大河水貫城而西經通津門橋

舊名兼濟  
舊記從清

水堰開河通漕橋浦拔潮貫城橫度兼濟門蓋偽閘築  
羅城時所鑿也咸平中陳象輿重濬之併門改名俗號

新河通大  
船往來

次安泰橋

利涉門外舊有重修津渠記在利  
涉門下掌書記陶歆文宣和七年

陸侯藻  
初亭

次清遠門橋次板橋次金斗門橋直抵浦尾

羅城

壕在金斗門東橋近之故名

橫出金斗門以西乃是外城壕壕通迎仙門外橋至西湖觀治平圖水從外壕

入城至金斗門西入至浦尾通灣

橋潮水相傳自晉時有堰今湮塞折而東經金墉橋五雲

樓下保一營門南

與甘棠閘潮相遇其東別為一自通仙門之

東北行至臨河務水門分支壕繞外城而北過行春門

外樂遊橋

元祐中顏象環作

又繞而西至湯井門接去思橋河

尾其北又分為二一自去思橋北西入甘棠閘

舊記晉嚴高築

城日從今迎仙館前開水口通灣橋浦觀治平圖館在甘棠閘側今轉運東行衙是也閘舊有之政和中黃裳

修紹興二年夏旱程邁命知閩縣王陔重修陔曰凡閘必設二以迭為啟閉今但修一其洩必利或遇啟放馳駛易涸宜增一以節其勢啟前閉後於水無損此真法也乃從之使君閘六月二十四日興十有八日成甘棠

八月十三日興十日成今法海慶成二寺管之以又西

行過延慶橋慶成寺前次師橋壽寧坊前次經院前橋次長利橋

由三山樓下橋之北又有一橋通闌橋左院後後次虎

旁有閘基猶存前通仁愛橋河新瓦路

節門大橋舊記云前大橋河晉嚴高開舟楫往來因名

大航相承去航字直曰大橋後五百年至唐

元和中觀察使薛塞再開以油杉作提次清泰門雅俗

限熙寧三年程大卿師孟改為樂土

橋清泰門外門東迫子城有至子城西南隅髮苗橋鬚

小橋名衆樂下有水門

俗呼苗為堯昔有嫗於此賣髮鬕因名今昔明  
菴傍舊橋側有水閘基石猶有後又創為橋 與清水

堰潮相遇北行至豐樂門義和橋今俗呼定遠橋恐舊名 次宜秋

橋至鹿項門牆止相傳偽閘時鑿渠引西湖清水貫城而入汾豐樂門城隅與浦尾潮接為

浴馬之所且以滌滓穢今无清水潮尾或一自去思橋  
時至先時尚容小舟今不復有猶名西湖

北北行稍不附城至嚴勝門並石泉而北乃東折至安

國之左舊記云由渠一支自嚴勝門通潮西至遺愛門四面設壕塹通潮憑高望之如小蓬瀛是亦言

其大槩耳未必實抵遺愛門也偽閘時嘗穿龍腰術家  
以為主山蜂腰之脉竟不敢而罷所謂至遺愛門者諒

第底龍腰而止今自石泉西 若其子城之東南自長利  
折至龍腰之東皆為民田

橋北走經定安門仁愛橋並開元而北踰康泰門樂遊

橋趨將軍山之南

自長利橋至定安門渠旁民多侵為浮舍熙寧二年程大卿築城始撤之

尋其源而復濬焉乃北趣將軍山之麓

西南自清泰門東衆樂橋水門入

子城

舊以宜興為子城是渠浴城而北熙寧拓子城遂為水閘

經開通橋

與衆樂橋隔牆次

便民橋

大中寺東

次宜興門橋

橋東退木場西舊宜惠坊磨務治平猶有之今為安撫司

客邸沿都倉至威武堂西澄澗閣

閣臨水今廢

通西園池

園在府治

之西左亭而右庫忠義堂前池舊通潮凡府右諸竇之水皆歸焉已上嘉祐二年蔡密學裏開河有記立于左院之碑亭自清水堰口至兼濟門橋南岸百五丈九尺五寸北岸百五丈七尺泥面三丈六尺底二丈四尺深

三尺兼濟至利涉門橋南岸百七十六丈北岸加一丈  
八尺泥面三丈三尺底二丈二尺深四尺利涉至清遠  
門橋南岸百四丈一尺北岸加八尺泥面三丈三尺底  
二丈二尺深三尺清遠門至髮苗橋南岸四百八十一  
丈六尺北岸四百六十八丈二尺泥面三丈底二丈深  
六尺髮苗橋至清泰門橋南岸四十八丈五尺五寸北  
岸四十二丈六尺泥面二丈底一丈四尺深六尺清泰  
門至後河口開元寺前小石橋南岸九十二丈九尺五  
寸北岸百八十九丈二尺泥面二丈底減六尺深五尺  
小石橋至經院前橋十八丈八尺泥面三丈底二丈深  
五尺經院橋至南禪寺斗門南岸百七十六丈二尺五  
寸北岸百八十七丈七尺七寸泥面三丈深四尺髮苗橋至  
樂輸門橋百六丈五尺五寸泥面二丈底丈有四尺深  
六尺樂輸門至鹿項門牆九十八丈四尺泥面二丈底  
丈有四尺深六尺西岸加五寸泥面丈有五尺底丈深六尺宜興門  
丈有四尺深六尺清泰門至宜興門橋東岸九十五丈  
八尺西岸加五寸泥面丈有五尺底丈深六尺宜興門

至州衙牆七十八丈泥面丈有五尺底丈深六尺小石橋至定安門六十三丈六尺泥面八尺底六尺深六尺定安門至東康門橋百九丈六尺泥面丈有五尺底減三尺深六尺又自西北繞郡城之

後東入甌冶池

今將軍山之北昔冶山之麓也亦名東冶及俗呼甌冶皆以東越故耳程大卿

師孟創甌冶亭作詩又為後序云予至州之明年新子城城之東北隅灌木陰翳因為開通始問此水或對曰甌冶池予竊喜其蹟最古且愛其平闊清泚又池之南隴阜盤迂喬林古木滄洲野色鬱然城堞之下於是亭閭其上而浮以畫舫可燕可游亭之北跨濠而梁以通新道既而州人士女朝夕不絕遂為勝槩程以為蹟最古者謂甌冶子善為劍者事載越絕書頗詳此池乃甌冶子鑄劍之地然無所稽考州雖有劍池寺唐元和中僧惟幹濬之得銅刀劍環數枚猶有冶甌在竹林間又隔在將軍山之南南去尚百餘步非此池也或恐鑄劍



者因此以自號則有之矣然池非以鑄劍者得名偽閩  
時州北無渠從州西北西湖廟南十五步羅城開渠外  
吸西湖水源東入沿子城以通此池長三百步上立木  
橋四西湖樓下悅濟橋直通安善門次玉壘橋次永安  
橋正北天王堂下蓋主山之經脉初開遇石恐傷其氣  
故渠不甚深次龍泉橋入歐冶池政和中廉訪以其地  
植花修貢宣和五年俞提刑向攝郡事移甌冶亭木植  
于禊遊堂之東為秉德堂紹興四年復亭于故址又有  
喜雨堂  
城陰館

西湖舊記在州西三里偽閩時湖周回十數里築室其  
上號水晶宮其後盡為民田淳熙十年待制趙公汝愚  
奏請興復開浚而朝廷從之今盡復舊制

公奏曰契勘  
本州元有西

湖在城西三里迤邐並城南流接大壕通南湖諸瀆水澤灌溉民田事載閩中記甚詳父老相傳舊時湖周圍十數里天時旱暵則發其所聚高田無乾涸之憂時雨泛漲則泄而歸浦旱田無余浸之患民不知旱澇而享豐年之利後來人戶黃緣請射歲納些小課利謂之池戶官中但見其絲毫之人而不知其為民戶永遠之害或築成圉圓甚至於違法立券相售如祖業然西湖南湖不復相通而古人積水利民之地盡為豪民猾戶所有雖潮水不住往來而上下阻隔無由通濟臣照得本州地狹民貧全仰歲事豐登田疇廣殖小有荒歉難以枝梧况田並湖彌望盡是負郭良田自從水源障塞之後稍遇早乾則西北一帶高田凡數萬畝皆無從得水至春夏之交積雨霖淫則東南一帶低田發泄遲滯皆成巨浸致使一方人戶白納稅租而所謂池戶者公然坐享重利第以圭撮之入其為利害大不相侔矣

欽定四庫全書

卷四

今來若不申明恐向後轉見堙廢難以興復並湖之三  
閘高六尺長二丈四尺板二重各五片高五尺長一丈  
一尺五寸開元寺看管 第四閘高六尺長二丈三尺  
板二重各五片高四尺五寸長九尺安國寺看管 第  
五閘高六尺五寸長三丈五尺板二重各四片高四尺  
長一丈七尺東禪寺看管 右五閘各以板數為準  
水灌溉常宜扁鑊不可妄啓惟大潮候日初三十八遇  
有小舟乘載往來聽啓閘一次 一鳳池橋堰一座高  
五尺長二丈四尺遇上斗池涸竭聽民戶從便車湖水  
入池以助灌溉 一西湖巡鋪屋三所鳳池橋龜潭三  
橋每所差延祥寨兵士四人守宿十日一替近湖居民  
以農為業並不許置捕魚網具 一西湖新買官地砧  
基簿十本內四本藏之本州及三縣架閣庫六本藏之  
雪峯鼓山東禪西禪支提寺紫極宮常住永遠照用  
一三縣水食水利民田總計一萬四千四百五畝 西  
湖閩縣三千五百九十八畝候官縣一千六百八十三

畝懷安縣二千三十畝 東湖懷安縣七千九十四畝  
一浦三道鳳池橋浦濶一丈五尺 道士洋官亭下  
浦濶五尺 道士洋房廊屋後浦濶一丈七  
尺右係引水灌田之處各有水窻禁魚出入

淳熙三山志卷四

欽定四庫全書

淳熙三山志卷五

宋 梁克家 撰

地里類五

驛鋪

驛鋪古亭郵也州南出莆田北抵永嘉西達延平車旌之所宿會文掇之所往來求其安便迅駛而無阻絕沉滯之憂故更易廢置迄今始定由南以往凡五驛十鋪舊由方山渡宣

和六年乃出西峽由北以往經十一驛紹興元年以建寇故

道路梗絕亦嘗命置鋪由西以往驛四鋪十三崇寧初以嶺

峻狹廢西門路從北門鋪歷雪峯直抵富沙入從古田谷口

刺出南劔五年復西門路

西路舊無車道抵中國緣江乘舟  
暮盪而沂凡四百六十二里始按郵

道唐元和中歲歉憲宗納李播言發使賑濟觀察使陸庶為  
州二年而江吏籍淪溺者百數乃鑿峯湮谷停舟續流跨木  
引繩抵延平富沙以通京師有洪文館祕書李叔夏為記蓋  
謂此路也其古田路亦自開元二十八年洞豪劉彊等納土  
始漸有之今冠蓋旁午負戴四達三方驛館聽所投足獨傳致期

會取西南二十三所設立鋪兵國初猶後遞未曾迭命

諸卒已乃許就置營房然猶未立額元豐六年鄭居簡

始添定人數仍創急遞

居簡時催創本路軍器奏福建遞鋪未曾興置急脚兵士文字

違滯乞每鋪以十五人為額內二名充急脚轉運司申本路除偏僻遞鋪四十三所不消添置外有一百六十

二所乞添急遞一名兵部看詳各添急遞二名元祐元年減罷急脚兵士改作馬鋪剗數撥填廂軍崇寧二年

十二月復依元豐法施行

崇寧三年以行北門十四鋪各增廂軍二

人罷橫山惟二十二鋪北鋪率三南鋪五置將校一名

初給印歷考其稽慢者

時有旨近來遞鋪稽留盜匪緩急報應有失事機本路下州遣

司戶竇恭祖相度尋施行

五年行西門復橫山罷土塢大觀元年土



樞復置自橫山至營頂十四鋪復塘急遞二人門許置

曹司政和元年更議存減

時有旨以大觀添置兵馬未便再行相度州委簽判杜思

巡鋪曹肢措置存減除橫山急遞不減餘悉損其半

軍興之後警報益急增額浸

多以至于今舊有鋪馬至和二年章東之奏罷

東之時如漳州

以山徑險僻遞送轉見遲回乞抽收官馬差急脚兵士時本州有馬四十五匹並罷

嘉祐二年薛

綸請復之

綸時知建州奏急脚兵士止傳送遞角使命經過州縣臨時借馬於人戶不無搔擾乞每

鋪量置馬兩匹復罷急脚

隆興二年乃盡罷其詳具見于後云

城中

使星館

海安門內街北舊為使星驛州著衙前主官員驛料紹興中大因為宅子店俄復為館闕候官

典押更主之今批給驛券猶以驛名

迎仙館

南禪寺東景祐中范都官亢所造治平圖有之其後為轉運行衙

崇輶驛

南門內西舊置翁承贊冊闕王館於登庸門內是時已有驛治平圖為路分廳元豐中為東南

第十將公廨

如歸館

威武軍門外西治平圖修造務自迎仙館廢始為如歸館後嘗為醋庫今司戶廳

皇華館

還珠門外舊春風樓地淳熙十四年安撫賈選創建候官縣丞歐陽光祖為記

西路

迎恩館

舊迎仙門內北有送客亭淳熙元年史丞相浩始置館于門外之南為迎接御香及恩賜之所

西門鋪

國初置東取州城半里西取土堰十八里舊本州及南路遞角並從西門至劔建及官員

驛料經水口嵩溪驛支給久以為便崇寧元年因本州申請以古田不當驛路及西門一去水口中

間有號倒羊猪棕嶺和尚孟一帶路不通轎乘及小若安仁兩溪置渡子三人古田置解子三人歲

夫雇錢七十八貫以為費多乃廢西門路遂從北門鋪雪峯路而去不由南劔直抵建州又從古田

縣西南刺從谷口出南劔五年復以北門路支費不貲仍舊行西門葛崎陳湖等至芋洋十一鋪通

接營頂至南劔元豐中馬遞四人步遞六人急遞二人大觀元年添馬遞三人步遞三人急遞二人

曹司一人政和元年減急遞一名後額管二十人今供申一人節級二人鋪兵三十人

土塭鋪

西取葛崎鋪十八里崇寧五年罷大觀元年復置元豐中添定馬遞三人步遞四人急遞

二人大觀元年添急遞二人遞馬一匹政和元年減急遞一人留遞馬并元額共二匹以監司巡歷

將官巡教不可闕也今額管十  
四人供申一節級一鋪兵十二

葛崎驛

懷安縣北舊在芋源村置驛取州六十里後移此於使星雖近亦作一程驛券批支元祐八年

轉運司以使星至大瀨七十里大瀨至小若七十里遂罷葛崎驛不批支按程大瀨至小若五十

里使星至大瀨實九十里

葛崎鋪

西取陳湖二十里

陳湖鋪

西取豐田二十里

大目渡

熙寧九年置投充不支錢

豐田鋪

西取大瀨二十里已上三鋪元豐六年並定馬遞三人步遞四人急遞二人大觀元年並

添急遞二人遞馬一匹惟葛崎崇寧三年行北門路添廂軍二人政和元年並減急遞一名罷添馬

今並額管十四人供申一節級一鋪兵十二

大瀨驛

候官保安里距城九十里臨江下水口值風多暫憩於此

大瀨鋪

西取湯背三十里

湯背鋪

西取小若安仁渡熙寧八年置

小若驛

開清縣東北五里祥符二年重建

小若鋪

西取嵩灘渡熙寧八年置紹興中以二十五里安仁小若二渡歸湯背

嵩灘鋪

北取常瀨二十五里

常瀨鋪

西取朱坑十五里已上五鋪人數更改及遞馬存減並與豐田司

高溪驛

古田縣南九十里水口鎮已上三驛熙寧六年並省併後獨嵩溪驛批支

朱坑鋪

西取芋洋三十里

芋洋鋪

西取使華亭二十里又十里至營頂

使華亭

地名黃日宣和六年創為星軺食息之所

營頂鋪

西取南劔界首五里又八里至武步去金沙六十里金沙至南劔五十里已上三鋪惟營

頂崇寧三年行北門路增廂軍二人其元豐大觀人數及今額並同前五鋪

南路

橫山鋪

州南九里取江南鋪十五里舊有馬遞兵士三人元豐六年獨不置急脚大觀元年增步

遞三人急遞二人政和元年罷步遞三人後額管二十四人今除供申節級外鋪兵二十五人

臨津館

唐名南臺梁開平中翁承贊冊王審知為閩王有南臺路書事詩今館天聖五年章頻作館之

西南隅勝合沙亭是時以識諸方望沙合皇祐間江東西始有洲元祐四年洲猶中斷而為二林中散積又即館之東南極望合沙臨水開軒仍舊名亭是歲許公將為尚書右丞

浮橋

由郡直上南臺有江廣三里揚濶浩渺涉者病之元祐以來江沙頗合港䟽為二中成楞嚴洲

八年癸酉七月郡人王祕監祖道為守相其南北造舟為梁北港五百尺用舟二十號合沙北橋南

港二千五百尺用舟百號南橋衡舟從梁板其上  
翼以扶欄廣丈有二尺中穹為二門以便行舟左  
右維以大藤纜以挽直橋路於南北中岸植石柱  
十有八而繫之以備癡風漲水之患糜金錢千萬  
一出於施者明年紹聖元年甲戌十月成以其餘  
錢三千九百緡分給負郭三縣僧寺以為本錢俾  
歲取息以待缺弊修造十一月落成自為文記之  
尋又為屋以覆纜柱架亭於其側以憩行者中亭  
之北又有泗洲堂一所命僧守之視熟水亭下而  
守橋軍房亦在焉南亭之南復即山為亭以濟川  
名之創菴其西有齋禮九功馴輦嘉祥四里產錢  
二貫二百八十八苗米一十五石二斗七升輪大  
院三十主之以管幹橋事再歲一替有水手二十  
一人隸焉朝夕巡視白所當修造者以報逐寺崇  
寧二年公復守是邦乃於橋南建天寧寺以菴之  
田產併歸之命天寧主僧為三十院都管是時港



已分為三矣北港舟十有六中港七十有三南港十有三凡一百二隻僧寺產錢初自五貫以上令獨任其一不及則合一二或三四院以為助蓋受船板本錢者二百一十三所而受置大藤繩本錢者又其內三十所公命籍本錢之日及其要束一歲之郡案一付之橋司使相授受其略曰橋船及板本錢三千三百九十貫正橋門船四隻板六間四院主之各受本錢六十貫南港南岸馬頭船一隻板二間一院管認本錢亦如之橋門第二船四隻板四間四院主之各受本錢五十貫北港中港兩岸南港北岸馬頭船五隻板五間五院管認本錢亦如之其餘每船一隻板一間各受本錢三十貫自北而南船以千文為號後有廢壞永歷息錢興修常取堅固大藤繩本錢五百一十貫鼓山雪峯神光西禪芙蓉法海乾元安國壽山開元大中精嚴等覺九峯困山萬歲報恩白鹿天王太平賢

沙昇山靈峯仁王雙峯大瀉聖泉衡山興福廣因  
凡三十寺各十七貫歲出息一分令橋菴經官置  
簿拘納分輪兩院管置纜一次及屬架之蓬悉交  
割乃得替凡橋門船長四丈六尺面一丈五尺頭  
各八尺板二間長各四丈四尺闊一丈直梁八圍  
各三尺六寸輪木闊各一尺三寸厚一尺兩頭鐵  
線各四並四斤其次橋門第二船三港馬頭船長  
四丈四尺面一丈一尺頭六尺其餘船長三丈九  
尺闊一丈頭五尺五寸板每間長二丈三尺闊一  
丈直梁七圍各二尺四寸輪木闊一尺厚八寸鐵  
線二各四斤勾欄每扇各二柱高二尺五寸方五  
寸上下壓枋闊五寸厚三寸短柱四高一尺七寸  
闊五寸厚三寸凡大藤纜於船左右常各存新舊  
二條圍各二尺五寸五歲一易不許以退纜舊藤  
間雜收使如三港西岸馬頭時有流刷傾側或泥  
地淤長可堪增築及橋亭軍房屋宇井蓬纜蓋架

欽定四庫全書

清熙三山志  
卷五

等損弊悉仰管幹橋院畫時修葺其鐵線常備六十具以待去失急用於守橋兵士名下勒填餘船板破石有一不備刷染更換有一減裂以時巡察報逐院增修不得別有率飲其措置纖悉盡蓋如此尋復歲以三院輪入管幹其後間以故獲免受役者至十八院先是水手各認管船五隻月米一石錢二千四百從逐院赴橋司輸送然後給之後浸為弊乃悉罷去輪諸寺行者代其役給官舟與來往護視遇夜則守橋紹興十一年都管主僧僧理立規式菴中課督羣行者甚力輟前所給水手錢米入長生局為度牒之本以勸勉之是時北港已為石墩橋道十五座矣船惟中港七十四南港十三拘納二分息錢復散寄逐寺收息愈廣其後藤纜乃不以時治二十三年僧圓覺住天寧寺募作鐵纜每節為錢三百越一月遂辦藤纜始廢二十四年提點刑獄趙公令詎攝郡事觀橋道寢壞

命閩縣丞黃昭祖因舊制度復一新之會圖覺以  
事罷估籍衣物金銀等錢一千二百八貫有奇及  
橋司所椿置纜息錢二百三貫有奇用舊例復命  
以其錢分為九十二分半均給諸寺其橋門船及  
南港南岸馬頭船凡三隻各給二分橋門第二船  
及中港兩岸南港北岸馬頭船凡五隻各給一分  
半餘各一分增為本錢申嚴舊式凡尺寸悉以官  
省尺為度梁木湏勁直者板必厚一寸六分募置  
水手復仍舊役惟船頭拋碇藤纜務要緊實各長  
一十五丈不許水手打攪以舊纜添造亦置籍二  
本一藏郡案一付橋司明年梁山等十七院復為  
石墩橋道於是菴中既無所拘納都管之職亦漸  
衰弛向所輸送水手錢米遂從逐院自取之上下  
懈怠莫有統屬橋事以是愈壞今鐵纜斷裂僅存  
寘菴舍藤纜息錢枉增諸寺船板之數本錢雖散  
在三十寺未有興復者石墩橋道尋又增置今為

欽定四庫全書

卷五

船者六十二耳中亭項賃滄戶以匿稅故乾道中併拆其屋逐之泗洲堂淳熙元年一夕熟晝往時營幹橋僧既交替以有勞率得院住持近乃無聞水手昔屬閩尉後有尉適不振職因屬縣丞云

江南鋪

南取方北十五里元豐六年添定馬遞三人步遞三人急遞二人大觀元年添遞馬二匹

政和議存減獨不罷後額管十四人今供申一節級一鋪兵十二

西峽北驛

名濟川北館宣和六年作

方北鋪

南取方南隔江折二十里異時驛路出方山渡江面瀾漫無風只二十里有風七十里沿

兩沙洲隨潮涉二時乃至既有傾覆之患又有候次之勞風潮弗律候或一二日甫登南岸即涉方山嶺又有佛嶺白蒲嶺熱隔嶺而後達太平驛宣和六年俞提刑向以西峽水面五里私商往來之

地命本邑治道由玉泉院之尾鼓樓入新路經彌  
院菴西方院五里真隱又五里峽江北岸亭渡五  
里枕峯十八里白鹿寺踰嶺十二里抵福清界行  
者便之乃植木以庇行人尋自枕峯前良步角梁  
山院十里通麻溪橋五里瀨溪橋過常思五里通  
舊路遂不登白鹿履道尤坦因名峽江二亭俱曰  
濟川有記合沙亭之右於是方北鋪移於西峽  
路石鋪橋頭方南鋪移於枕峯院前大田鋪移於  
大義驛下接常思鋪紹興六年申明以為經久可  
行九年峽江路旁諸寺賂州吏請遵故道張丞相  
浚召驛兵質之遂不復易鋪仍舊名今於  
城門村渡以避峽流之迅且約里數也

### 方南鋪

南取大田  
鋪二十里

### 西峽南驛

宣和六年作舊  
方山驛移此

大田鋪

南取常思  
二十三里

大義臨津驛

河口  
渡次

常思鋪

福清南取  
太平七里

嶺

高一里相承為相思故王文公  
珪贈元公絳詩頌春莫向相思

嶺

太平驛

福清縣西四十里熙寧六年省併方山太平  
溪三驛不批夫驛券七年猶雇衙前主持給馬

草八年除漁溪外復罷紹聖元年轉運提刑司狀  
以方山至迎仙只一百二十七里輒作三程乞減

罷太平一驛移漁溪驛於石墘馬鋪蓋造尋留漁  
溪驛為憩息亭館折太平驛材料蓋造於石墘

太平鋪

南取假面  
十七里

假面鋪

南取漁溪十八里

漁溪驛

有蔡密學裏梅詩

漁溪鋪

南取蒜嶺二十三里

蒜嶺鋪

南至莆田縣界三里至迎仙二十八里至興化軍五十里或曰山形如蒜亦其間多蒜苗

由建劔汀邵武至此方見漲海烟波萬頃嶺頭有照海亭宣和間有唐運使留題隆興初廢今送迎時寓民家已上八鋪元豐六年並添馬步急遞共八人今並額管十二人常思見闕三人假面二人蒜嶺一人內供申節級各一人

北西取建寧路



出州北門由沙溪別往新藍鷄菜

距縣百里極菓惡菁於旁而啄衣牙於中

而齧足蹲於前而梗步嘉祐三年知懷安縣樊紀易而夷之自記云

雪峯至古田縣

一出西門經石岳至葛崎與北門路通

鳴玉驛

古田縣東初溪有洪瀨灘知縣李堪以其非雅改為鳴玉遂以名橋亦以名驛前有涵碧亭紹

興七年移於縣西北舊學基

通建驛

北縣

鎮安驛

縣北地名孤鎮村西至建寧府七十里崇寧元年廢西門路行北門由土堰葛崎別仕鷄菜雪

峯杉倉北望青田船嶺中館龍爬林換管頂凡十四鋪至建州三年以山嶺危險里數隔遠每鋪各

增廂軍二人五年以改路後雪峯一帶山嶺既峻  
道旁絕少人家每鋪幾三十里或七八十里始至  
館驛實有未便其水口下雖有倒羊猪獐等嶺然  
官員並行水驛獨鋪兵往來而已况自行北門六  
驛十四鋪添廂軍二十八人一歲請給衣糧約一  
千五百餘貫匹石此之西門添置渡子古田解置  
解子費絕不等今將六驛十四鋪及古田縣西南  
刺從谷口出至南劔一驛二鋪並行廢罷仍舊行  
路西門

### 北取温州路

出井樓門經四明亭盤石陟北嶺

一路出井樓門經安國寺透馬溪抵北嶺

下嶺高一千八百步十五里屬連江界頑石根互  
沿崖而躋嘉祐三年知懷安縣樊紀僦工致治乃

奠高為夷正曲為直陷者培回者續迄今利之主  
簿王知微記又治路自北門入岩溪抵青山又培  
土築趨府道積德承平移風三鄉地庫窪悉砌石  
以便民至谿澗或江浦之阻梁石以渡者五十一  
木為橋十有六皆利  
民之著者周希孟記  
下湯嶺諺云陽嶺兜北嶺頭志險也

溫泉館

距連江三十二里舊名湯泉  
驛淳熙元年重作因改名

潘渡橋

東取連江二十三里道羅源即絕渡而北異時  
溪漲需渡者病之紹興十四年知連江阮珪始  
創橋焉未幾水淙蓄以壞乾道三年晁子  
闔更新之長六十五丈柱趾十九名惠政

陀驛

北取羅源四明  
驛七十五里

四明驛

南取飛泉驛四十里建炎  
三年置淳熙三年重作

飛泉驛

有渡熙寧七年置過官井洋百八十里達長溪鹽田元祐八年移置焦門類紹興三十年以風

海險惡禁渡驛今佃為民居陸行出寧德縣

白鶴嶺

嶺頭有白鶴亭半有憩亭泉眼清澈

可處多留題下即縣也

寧川驛

寧德縣南紹興二十八年以主簿王置乾道八年重作

深浦渡

元豐三年置渡頭有

康濟亭十里至雙巖

雙巖嶺

五里至黃崎

黃崎鎮灘頭渡

元豐三年置陸

路徑絕經環塢村秦家山路如馬齒旁無逆旅行者多過渡至下盃

下盃驛

長溪縣西出七十里有渡一潮至監田准陸二十五里

鹽田驛

縣西三十五里有渡元祐八年移於析埭置

溫麻驛

縣海晏門  
內今廢

倒流溪驛

飯溪驛

縣東五十  
里有渡

白林驛

縣東北百里去桐山五  
十里今廢只憇天王院牌嶺

桐山驛

去泗洲驛二十五里  
今廢只憇棲林院駱駝嶺

平陽

二十里  
泗洲院過

分水嶺

是路國初置驛自使星至陀驛羅源縣下驛白  
林驛飯溪驛支給驛券熙寧六年咸併陀驛鹽

田驛白林驛飯溪驛併歸所過州縣批支紹興六  
年本路陳運使國瑞請立馬遞鋪招置土兵承傳

文字  
尋罷

渡

州東南門河口登舟

大義渡

乘退潮東經古山尾總程水港候潮西入峽門旁入港即此渡貞觀中別駕衛總持見其

處西旅賓主有序故名之

長樂航頭渡

百二十里

洋門渡

百五里

白田渡

百十五里

洋下渡

百八里皆退潮一初臨水洋門洋下白田四渡皆貧民以私船渡載志在遂利安弊不修

中經鷄嶼風濤最險多方難之必厚獲而後涉槩  
無宿手惟取於所渡之人操縱不調以此易致漂  
溺嘉祐中長樂始置三渡於臨水創官船以渡之  
募善水者為槩夫渡者人輸錢七籍給募之餘為  
船具及補敗之資後因循不舉元祐六年知縣丁  
掌乞奏舉行明年勅以白田距臨水十五里洋下  
相距八里洋門相距五里且同岸又三渡水路皆  
避征者所由遂罷之止於臨水造官船四大船所  
載止百人水手十五人小者五十人水手八人渡  
者人輸錢五均給之紹興元年流寓民姜子清乞  
收江淮河港溪渡錢遂令日收歲  
終較額為殿最今渡人輸錢一十

洞江

營前

洋嶼

籌崎

浮崎

翁崎

皆一退潮

王埔渡

河口渡抵翁崎由翁崎渡  
三十里乃至入城亦然

出西門十五里度橋

舊有之歲久頽甚霖潦艱涉紹興七年汪義和知懷安舉一講僧更

造之六批五間

靈光橋

旁有靈光寺

至懷安縣

石岳亭

縣之右建炎間置亭東有石異時歲覺增長後因火乃止

閩越亭

縣前閩越王遊憩之地舊有記相傳為雷震飛入水中

石岳渡

驛路百六十里至水口水路經甘蔗衙大小目福院小若大若亦百六十里至水口渡風

或跨二日嘗有監司詩云朝辭虎節門暮宿牛頭寺江神也世情一送三程路

又西門十五里洪塘高崎渡

即石岳江東流分為二自洪塘渡至水西高崎



江南楊崎渡大樟渡

楊崎屬懷安大樟屬永福相去三十里由大樟至永福縣

越峯渡

永福縣下元豐元年造橋

重光渡

五十口渡

皆縣下

洪面渡

縣南七十里南取溪東渡四十里熙寧十年置渡闊十五丈漲准十五里

溪東渡

縣北一百一十里北去洪口東渚渡二十里渡闊七丈漲准三里熙寧十一年置

洪口埕

關

紹興二十六年罷

劍關十丈

淳熙三山志卷五

欽定四庫全書

史部

淳熙三山志卷

六至九

詳校官監察御史<sub>臣</sub>沈孫璉

檢討<sub>臣</sub>德生覆勘

總校官進士<sub>臣</sub>朱鈐

校對官編修<sub>臣</sub>吳裕德

謄錄監生<sub>臣</sub>徐瑤

欽定四庫全書

淳熙三山志卷六

宋 梁克家 撰

地里類六

江潮

水路視潮次停泊猶驛鋪也循州境東出張海萬里潮隨月長晝夜至如符契道閩安而上江面澄濶別為西峽逾于南臺晝會於懷安進而至湯背止以與溪流接自愛津東下縈

紆數百里危陁狹道行者繭足輕舟朝發乃一夕可至南望  
交廣北眺淮浙渺渺之塵乘風轉舵顧不過三數日偽閩時  
蠻那放椿且次江岸國初六縣鹽舸徑輸州倉以達于四方  
郡今福清長樂涵頭歲運未嘗停民無酤其來釀作兩溪糯  
粒舳舻相銜歲小儉穀價海涌南北艦困載歛至城外其諸  
貨寶回往不可名計浮于海達于江以入于河莫不有潮次云

初一十六

午

初二十七

午

初三十八

未

初四十九

未

初五二十 申

初六二十一 申

初七二十二 酉

初八二十三 酉

初九二十四 卯

初二十五 卯

十一二十六 辰

十二二十七 辰

十三二十八 巳

十四二十九 巳

十五三十

巳未午初此潮入州城內河之候也江潮常緩海潮三刻至八河則又少遲耳

### 海道

自迎仙至莆門平行用退潮十有五

海不計里

一朝迎仙港乘半退里碧頭

迎仙港源自興化三百里合桃源水為大溪過迎仙

市為子魚潭

三百步

歷福清黃茅墩

墩南江上三千餘家屬興化人

煙如海口鎮其墩溪漲海湧皆不能沒

合蒜溪東流過浮山三里合

徑江入海

潮至子魚潭

徑港源出興化縣界金支大澤

至裏洋合黃蘗山南水十里名漁溪過應天院一源

出黃蘗山北過鐵場邊北流東折合漁溪入徑港南

至綿亭東出烏嶼門又南至雙嶼頭為二東出白嶼

西出後嶼合於昭靈廟前會迎仙港入海

潮至應天院前

東南匿草嶼

塘嶼

昭靈廟下光風霽日窮目力而東有碧拳然乃琉球

國也每風暴作釣船多為所漂一日夜至其界其水東流而不返莎蔓錯織不容轉柁漂者必至而後已其國人得之以藤串其踵令作山間蓋其國剝木為盂乃能周旋莎蔓間今海中大姨山夜忌舉火慮其國望之而至也

二潮過洛化洋牛頭門泊寄沙

多水劫

三潮至燕錫泊婆弄灣

一名暴露聲相近

東草嶼

四潮半退至銀盞舷乘半漲取錢藏出止馬門

為過淺溯潮不

克所以必持半漲也元豐二年嘗移海口巡檢於此

西海口鎮

海口源出興化縣界流為百丈溪二百餘里至假面

為橫路溪

即無患溪也

東流二十里合石塏溪至水陸

院合東溪經福清縣河頭緒為琵琶洋十八里至

海口入海

潮至水陸院西

鹽埕歲管納海口倉七百萬斤

經南交輸懷安倉

葉進珪記埕有三等沙埕為上夾沙次之泥埕為下沙埕喜受



潮信退則易乾實漏坵則易淋故為上半沙半泥  
故為次涇湮距潮且難乾淋故為下大埕一二畝  
小者半畝大水取信小水暴乾蓋海水鹹鹵過埕  
則鹵歸土中日暴則鹹乃凝白花取海水淋之煉  
為鹽亦猶膽水浸鐵水中自有銅性遇鐵溢住故  
烹鐵而得銅也一月之間大水六日初一至初三  
十六至十八晴明則土信可收雨澤則土信敗矣  
一年之間惟五六七八月土信特厚蓋烈日之功  
也故舊法六月  
起火八月住火

東 鹽嶼 蘇嶼

鐘門

昔人沒鐘於此  
潮退蒲牢微見

五潮半退過石帆洋

狀如帆

泊大小練

二練門相去十里  
無便風停留或踰

月

西北 松林塞

六潮出練門至東西洛止

雖近過此無泊所

七潮泊慈湧

勅號慈孝洋

西 長樂柵過港

長樂溪源極微大槩瀦為陂湖溢則洩而入海

八潮轉南交山峙海中

港內沙淺大潮二丈六尺小潮丈有九尺最為險阨舟人多於

慈湧候便及晨潮方扶櫓而濟便風則自外洋縱緯偽閩時蠻舶至福州城下至國朝以南交之險

遂置司溫陵時有飄風入港者

嶺口鹽埕

于歷嶼頭永豐石馬砂坑鄭胡閭山

歲納二百四十二萬

斤舊三百萬斤陸運二十里避南交之險輸長樂倉

西梅花灣 閩安鎮港源出處州龍泉東流經松溪

政和一出建寧之浦城一出于崇安其間小溪數

十匯於建城出南劍之東曰東溪一出邵武之光

澤北流經順昌至沙溪北一出汀州之寧化西至

清流沙縣之西合流至南劍與東溪合百八十里

至水口左合古田縣源出建寧界東南流號橫溪至上生院南合薦溪潭水數

里合桃溪東流至縣東北隅龍津橋合東北溪知縣李堪名曰潤澤南經戴星洲鳴玉灘磨劍石下

百丈漈入大溪故曰水口

過大小溪乃無灘平流至猴山右納

閩清水

源自蓋平里合仁壽孝順金沙等里小溪土人多以小艇力勝至江口瞻於巨舟乃

浮江而下小溪有三橋良石普賢寶山通尤溪黃洋諸場尤小者土民堰以溉田

次龍溪

唐大厯中有女子浣紗溪次為龍所食其父哭之哀既而得龍乃烹以釋憤名士多為記述其山源深險多不逞民盜販茗鹵官莫誰何俗號七村龍裏次左納大目溪次右小

目溪

源出閩清界六十里入江

次螺女江

侯官縣西北三十里搜神記閩人謝

端江濱得大螺一蓄之家每出歸盤殮必具乃密伺見一姝麗甚遂突入問之曰我天漢中白水素女也帝哀卿少孤遣為卿其今已悉不可止卿宜以居糧可使盡而更盈言訖化去端如其言資給

數世今足跡尚存  
或曰江形如螺  
至甘蔗北分數里復合至石門

南分  
赤岸山尾與嵩山尾相迎如門水中有石閘  
過石門為馬瀆江中

流至洪塘岐為二北行者為南臺江納北山衆流桑溪

自鷺鼻嶺經大坑嶺出東峯後至  
茶焙浦通潮鱔溪至浦東橋通潮  
過鼓山南行者

合馬瀆江納永福溪  
源自南劍尤溪縣西流至泉州德化縣南流至永福狀口

埕會溪流行七十里合興化縣游洋青桐溪至重  
光寺前六十里合閩清縣界水至大章六十里合  
福清縣界十八溪入江縣以西有師姑等六灘東  
有太原等十灘不為害潮至保安里沂三十里至  
縣  
金崎江  
閩縣東西南七十里昔漁者此釣得金鑠因見金牛急挽至岸俄而鑠絕猶得

二尺許因名金崎江窠宇螺洲洲形也在大義西  
記晉康帝詔於此立廟北納龍泉坑溪

合大義江瀨江出西峽門合琅琦江西浦溪出福  
清縣界經泥

嶼至琅琦接潮一星溪出會鼓山之派經石馬鷄  
長樂界至白田接琅琦潮

嶼洋中有石號師子對方山巨浸未嘗抵東峽二  
沒俗謂水浸方山鼻不到師子耳

十里入海潮由西峽上者先至洪塘由南臺上者  
差逢大潮至大若南臺江中有洲數里

潮至鼓山分為二南廣而北狹由北上者入直瀆  
浦由南上者涉洲尾反東流而與之遇諺謂南臺

江水顛倒  
流以此

東 劉崎 王埔 湖江

九潮至埕角

每歲二月烏頭數萬至自東海萃于此

泊闊灣

西荻蘆

連江東南四十里有九龍江根連鼓山相傳秦始皇以東南氣王自江而南秀拔者皆鑿

之至是得蘆根長可數丈朝劇暮合終不殊執役者夢有告曰鋏鉢可夕置勿收乃如其言血流而

絕通水

蛤沙

萬海小港赤崎

連江港

源出古田林洋

界至七猴渡之北合小溪南流至潘渡橋一出羅源界號曰巖溪南至朱令橋合寶山院前丹陽溪西南流合興寧廟前與潘渡溪合西南流合參溪水至峽口鎮入海

東

鄭崎

官嶼

雙髻焦

土花鹽場

今廢

十潮轉北交

聚石為灘連接海岸北南交差易

泊東西洛

西羅源港

源自蔣山溪經白塔院至四明橋合龍潭溪過務前合古弄溪至欄頭鋪入江又下

倪南北溪經觀前橋至欄頭鋪前與蔣山溪合入松崎江入海潮過四明觀

廉灣

俗呼林為

廉中多林姓

南灣寨

東黃土山

十一潮至水灣

西官井洋港西源出處州龍泉界

首溪

東流百里至斜

灘過載首合松潭溪白沙鎮

紹興初廢

至廉首村一出



政和縣界經麻嶺至繆洋三十里至蘆村會龍泉

溪南流為江過甘棠港

舊有巨石屹立波間舟多溺覆唐寶祐元年琅瑯王

審知其牢禮禱于神將刊之其夕雷雨暴作石皆杌解遲明安流如砥昭宗詔獎之賜號甘棠神曰

顯靈侯三年賜德政碑

黃崎嶺

潮東至白沙西至蘆首各距四

五代史謂閩人私號誤

十里舟行一潮至由鎮陸行各百里北源出政和

白沙溪船至斜灘蘆首溪船至繆洋

界至外渺程家渡南合甘露溪覓溪經深浦渡至

長境平水分為二

潮至金垂

一出古田山谷合周仙湖

東流為穹窿溪又東為晡溪又東為淀尾經赤鑑

門一出古田至游溪合羅源山溪至溪口村同出  
于三嶼寨之左一出羅源飛泉渡出于三嶼之右

匯于官井洋

風濤險惡  
號三港口

東入于海

東 浮膺山

十二潮轉驢頭山泊斗米

近有大小金灣

鹽埕

寧德縣納

十三潮泊桃門筍竹山

西松山港

古識松山沙徑  
合朱紫出其間

西源號長汀溪自白巖十

五里經建善寺至沙塘北源自赤岸灣村龍潭至

大橋經鹽埕合沙塘而東入海

潮北行者至大橋西行者至斗門

次西烏崎港源出西鄉蔗洋八十里至七溪南流

七十里至飯溪出烏崎向峯火入海

小船至飯溪大船至楊門

潭

東三沙峯火寨

十四潮泊圓塘

西歛港出吉坑十里入海

怯港

俗謂惡為怯

合小溪水至上洋五里靈峯十里至

圓塘入海

船至圓塘止

東榆山

十五潮至錢芬頭

諺云錢芬頭無風自毬流言蕩漾也

白露門

或曰即白水江也白

水即停船之處

泊莆門寨前

西南

沙埕港源出温州界至桐山東入海

船至白桐山

水江

舊記縣東北百七十里寰宇記白水即夷戶也亦曰遊艇干或曰盧循餘種散居海上唐

武德中王義童招其首領周造麥細陵等授騎都尉以船為居寓廬海旁船首尾尖高中平闊衝波

逆浪略無懼怛名了鳥乾符間有陳蓬者駕舟從  
海來家于後崎號白水仙有詩云水籬疎見浦茅  
屋漏通星又云石頭帶確高低踏竹戶彭亨左右  
聞嘗留識曰東去無邊海西來萬頃田松山沙徑  
合朱紫出其間蔡學士雜記福唐水居船舉家聚  
止一舟寒暑食飲疾病昏姪未始去所謂白水郎  
者其所人  
之徒歟

淳熙三山志卷六

欽定四庫全書

淳熙三山志卷七

宋 梁克家 撰

公廨類一

府治

州自嚴高大相茲土告卜於晉乃定宅方位迄今不移  
矣遐服列邦初作郡宇宮室規制可知也暨為刺史加  
都督進節鉞改連帥皆號會府自陳至唐三百餘年間

創立營築往往易庳陋為高廣更壞復葺亡所紀載唯  
衙門唐上元軍門元和所建天王堂咸通所造尚有遺  
跡然是時衙門止為都督軍門止為州門也乾寧錫軍  
號威武遂作重鎮梁貞明復陞府大都督勢望雄偉蓋  
與岐益楊越齊列偽閩僭號改作踰制通文永隆之間  
宮有寶皇大明長春紫薇東華躍龍殿有文明文德九  
龍大黼明威門有紫宸啓聖應天東清安泰金德錢氏  
內附廢撤無留者獨面衙門一殿故址猶在至今呼為



明威國初守臣避不敢居以為設廳凡勅設宴集乃就

焉而即其西建大廳以為視事之所

舊紀節度觀察使衙在府中近西北

今呼為常廳

天聖五年始於其東創都廳

今修令堂自公堂

九年以

大廳毀敝推剝斤而新之景祐四年又於其西創便坐

今三清堂

有以接僚屬治政事臨見吏民矣慶厯八年乃大

新衙門嘉祐中又更軍門為雙門於是重譙傑麗邃宇

閔固翬飛雲矗望者肅服名公鉅人剖符開藩官崇地

重僉曰惟稱其餘燕室閒館虛堂華閣樓廣榭離亭

別圃自公之暇據勝臨眺樂豐餘而壯吟觀蓋又開寶以來間有作者夷荒理廢感興寓懷更名易額不一而足仕四方者閱歷孔多獨目此為善部姓名歲月於是悉書焉

威武軍門本唐元和十年觀察使元錫所建州門也乾寧三年州升為威武軍遂為威武軍門周改為彰武皇朝太平興國三年復舊名

呂權書

嘉祐八年元給事絳更

為雙門上建樓九間

樓上梁題作是年歲次癸卯五月壬寅朔二十有七日戊辰重建

熙寧二年始創滴漏

建州門之歲置推晝夜刻元給事  
絳改築咸武軍臺門至熙寧二年

程大卿師孟始作滴漏推測晝夜蓋祥符中劉承珪之  
制也今漏室中有程大卿詩牌二一云科漏新成因成

二篇呈監官葉左院臺門新漏一聲聞從此朝昏百刻  
分他日郡人思太守也須談及葉參軍風雨雖昏漏不

移百年應未失毫釐須知萬戶千門裏正得人問凶吉  
時一云曉登威武軍鼓角樓百尺譙門成萬兵黃昏初

動盡龍聲銅鉦猶是閩王點銀秤纔懸漢守更四面僧  
誇金作界半年人看玉為城官程稍近千餘里不到儂

家向此行於第四句下自注云舊無滴漏予至始創建  
炎二年江待制常申明約束一守漏人四分爲兩番直

日放漏水候魚珠落銅盃乃移秤刻即告戶外報時者  
一諸衙報牌人九日通以鼓角匠輪差於戶外祇應告

報一一直漏人五夜分直五更並以撾有鼓角國朝軍防  
鼓人輪差其奩具等物五十日一濯有鼓角格節鎮鼓

角各十有二舊有十二角建炎二年江待制常約東云  
昏時吹角八人各二十六聲為三疊撾鼓八人角聲止  
乃各撾鼓十為三通凡三角三鼓而畢更點說云更以  
四更三點及申刻各吹角三疊為小引更點鼓點以鉦  
今鉦問欵識云梁開平五年歲次辛未七月壬午  
朔十三日甲辰造重百二十觔所謂閩王點即此下為  
亭以翼之左宣詔右班春內府廊三十五楹時元給事絳移南都

代者未至問建

大都督府門唐武德八年州始升為都督府上元二年  
創門梁貞明六年升為大都督錢氏歸朝凡偽世門額  
悉廢毀惟威武軍與大都督門仍舊慶曆八年成郎中

戢修

有潮陽從事丘濬為記云蔡公時方欲新之俄詔為本路轉運使成公至以是年六月始事九月告

成舊額蔡正言襄書紹興七年南列戟十有四戟衣長一丈二

市火拆以讓之張待制致遠重書尺以朱白蒼謂之儀門亦曰衙門

設廳衙門內舊有之慶厯六年蔡正言襄重建偽閨時

舊基國初改為設廳至是顏徹蔡公始重創今梁間有

公自書慶厯六年歲次丙戌春正月壬午朔二十有七

日戊申新作使廳二十五字後太守嘉祐八年元給事

絳修宣和五年俞提刑向權州事復修有通判黃琚為

公堂之地見熙寧圖後移於

設廳西南隅大廳之東廂

大廳設廳之西

治平圖題為大廳自設廳西過都廳是

舊有之天聖九年

十一月鄭職方載重建十年十月建大廳東門於中庭

之東西創御書二閣

都廳大廳之東

治平圖題為都廳今所謂簽廳也

天聖五年章兵部頻

創隆興元年汪侍郎應辰移都廳

見止戈堂項內

至乾道二年

王叅政之望始立今額前修令堂後自公堂

王叅政有自公堂詩

叢石當軒峙橫池傍砌深還將脩竹遶半入古榕陰  
畫賞風濶陂宵憐月影侵聊紓江海志寄此小山林

小廳大廳之西景祐四年范都官亢創

治平圖題為小廳

熙寧

中更名清和堂

見熙寧圖時以設廳為大廳以大廳為小廳於是以小廳為清和堂靖康

後始塑三清像於此為三清堂旁有觀音堂

日新堂設廳之北慶厯六年蔡正言襄創

治平圖有之熙寧二年程

大卿師孟題毬場碑額云輦而置之日新堂西廡今碑在堂下之西廊

建炎三年改鈴轄

為安撫使以為安撫廳

春野亭日新堂東南慶厯六年蔡正言襄創元豐四年

劉待制瑾修

治平圖有之蔡公留題古風兩篇首云太守職名治詔書勅吾農載酒事緬邈作室

當廨中况恁軒牖高中視田野功澹池沐新澤依微生柔風江潮漲晚綠山麓延朝紅耕鋤時節動歌語聲意

欽定四庫全書

卷七

通漸非共理才幸遇頻年豐未厭畎畝樂駕言誰相從  
觀此可見命名之意也後有蘇舜欽劉瑾王子京林顏  
字上交王伯虎范伯玉吳拭余授陳粹詩各一篇若曰  
翰林遺創久歌隤又曰鏤額奇蹤蔡翰林知亭公所創  
額公所書也又曰天章餘  
力起傾隤知劉公所修也  
前有池亭淳熙三年陳丞相

俊卿創

九仙樓樓下東衣錦閣西五雲閣舊小廳之西南有清

風樓爽心閣即此也

見治平圖蔡公襄有登清風樓詩郭外清溪溪外山溪雲飛上破山

顏晴明天氣琉璃色何處峯頭帶雨還

樓舊有之閣嘉祐八年元給事絳

創州有元給事詩碑乃元公自題云嘉祐八年癸卯建威武軍門又建達南門宜興門使院作院公使七庫



作會稽亭流觴亭佚老菴與心閣修轉運司明年建忠義堂信美堂簣簣軒又修城隍廟本城八營作戍兵三

營門怡山門昇山門康泰門杪冬訖役厚之記又有移鎮南都留別福唐詩二首觀此知與心閣為公所作樓

即舊有之熙寧間更名九仙樓賞心閣見熙寧圖程大卿師孟有九仙樓觀塔燈

詩宣和元年孫龍圖竝於閣西增名五雲唐李若初嘗登城西望有

五色雲當王霸宅遂作冲虛宮至此既樓南對九仙遂以西對五雲為閣名今五雲閣下有安撫司印書庫

五年俞提刑向權州事以余太宰典鄉郡於閣東更賞

心名衣錦安撫司簽廳置衣錦閣南尋移春野亭乾道

元年王叅政之望復舊淳熙五年移自公堂六年復舊

燕堂大廳之北嘉祐四年燕司封度建安民堂

見治平圖序燕

公所建也安民堂在大廳北又創甲仗庫於安民堂東亦見熙寧圖

熙寧間又創談笑軒

於安民堂北

見熙寧圖

後皆更名燕堂堂之西廡有舫齋元

祐四年林中散積作艤閣其上

閣上有林公詩牌云州宅之東北有燕堂堂之

西廡舊有舫齋今又新艤閣遂作小詩以紀之濟川須用楫罔水戒行舟四海風波路安眠是勝游時四月十

五日也大觀三年羅殿撰畸跋其後云因登艤閣視梁間尺板見字畫奇勁語簡思遠超然有收身寧迹謝脫

世患之意遂呼匠理其棟宇而刻其詩於石今齋閣皆廢六年柯龍圖述修宣和七

年權州事俞提刑向重修

紹興十三年葉觀文夢得以校書黃伯思募索靖急就章

千四百五十字  
鏤板於堂之壁

使宅

治平熙寧圖  
皆題為使宅

燕堂之西南今眉壽堂雅歌堂和樂

堂之地也紹興十年張丞相浚為其母秦國太夫人名

其南為眉壽堂

堂中有辛待制次膺留題云多病相如  
故倦游四年紆緩到三州君恩乞與歸

巖壑何啻將軍得  
休時丐祠得請也

乾道間王參政之望名眉壽之北

為雅歌堂

額簽判  
吳璣稽

淳熙五年又重創雅歌之北為和樂

堂舊眉壽之西廡嘉祐八年元給事絳建信美堂

堂西  
南為

簣管軒通忠義堂  
東廡並見熙寧圖

後廢紹興十五年莫尚書將於其北

為堂曰慶雨

以禱雨獲應名

二十六年李待制如岡於其南為

堂曰愛山

萬象亭燕堂之北紹興十四年葉觀文夢得創十六年

薛殿撰弼修立石

止戈堂今安撫廳後架閣庫之北舊甲仗庫置大廳東

廂

見治平圖上有凝翠樓慶歷初王祠部達有詩今樓存

嘉祐四年燕司封度增

置甲仗庫於安民堂東

見熙寧圖今燕堂東

自慶歷後設廳之北

惟日新堂而止元豐四年十一月劉待制瑾始創架閣

庫於堂北

舊祭閣庫在使院之東見熙寧圖

前作大門謹啟闔之時

紹興

間以門東西兩間為安撫司錢庫

復闢庫後為堂曰武備東西北列甲

仗庫又為大門其南而旁為便門二扇鑄嚴固於是舊

甲仗二庫皆廢

大廳東廂庫今樓下便路燕堂東庫今為廊屋矣

建炎四年建

寇猖獗程待制邁乞師於朝乃出禁旅命孟叅政庾韓

少師世忠討之紹興二年賊平遂更名堂曰止戈

有秦檜李

綱孫近汪藻許份張致遠李彌遜辛炳張翥洪炎初州鄧肅李晁朱松等詩詠程公之功今為止戈堂集

簽廳建長官廳側隆興元年汪侍郎應辰命移使院趙

侍郎子滿繼之以不便遂移今所蓋由架閣庫及通止

戈堂門也

今簽廳即止戈堂門南東為直司即架閣庫東廡西為職官直舍即架閣庫西庫

甘棠院今忠義堂之西

按熙寧圖在忠義堂西會稽亭南後廢其額只寄於流觴亭西

屋簷間

開寶九年錢昱創昱之記曰予自下車數月適因

巡城觀隙地高下景趣俯邇郡齋乃命芟去荒蕪開闢基址至是車書既同戈甲皆罷乃卜築處花心者曰夢

蝶亭瞰水際者曰枕流亭迎爽氣者曰臨風亭眺夕照

者曰綺霞亭

嘉祐八年元給事絳建會稽亭時簽判喬孝本作詩云元侯選勝重經地取園心

正且平揆日募工踰再決創亭合樂落初成面開西向  
緣忠孝榜揭新封紀寵榮隱隱湖山藏故國漫漫煙水  
隔都城低迷疊嶂回峯抱繚繞芳叢列艷迎臺上臨風  
共瀟灑花間夢蝶助淒清枕流小檻歌前沼散綺幽軒  
接從薨舊景周環如有待夕陽偏照似多情縈紆碧沚  
通潮浦左右脩篁拂畫檻自昔甘棠雖足愛會稽從此  
擅佳名則是時四亭皆在也治平圖有夢蝶亭在會稽  
亭西臨風亭在夢蝶亭西枕流亭在夢蝶亭北綺霞亭  
在威武堂西南臨風亭南綺霞亭北又有望京樓  
樓至熙寧圖則臨風綺霞亭望京樓皆廢矣而又別

創小齋甲於四亭不獨用之待賓亦可處茲為政乃目

之曰甘棠院

程大卿師孟有甘棠院招簽判小飲詩簽判和云甘棠深院百花香後院始廢今甘

棠院額掛簷間者徐兢纂程邁立蓋存古也

其南為門榜曰甘棠

治平圖尚

欽定四庫全書

卷七

今春臺館

天聖中陳即中絳重修

男說之

皇祐四年劉

待制夔於其東建逍遙堂

大觀三年羅殿撰時修紹興二年程待制邁重修額徐兢

嘉祐八年元給事絳於逍遙堂西作流觴亭

元公流觴亭詩

春風流水出巖扉載酒輕舟颺綵旗把得玉杯還自笑老翁真令似童兒舊有流觴木槽後汪樞密徹移雙松

亭作石槽亭西北作佚老菴

初名佚老後改為隱几菴詩分得藩符近

海濱溪山清處養天真幅巾隱几春菴靜直是羲皇已上人後又改為淨名菴見熙寧圖今廢菴西南

作會稽亭

以元公開國會稽名公出守龐公籍王公珪范公鎮王公安石司馬公光等五十三人賦

詩五十七章以罷其行刻其顯者置壁間公亦自有詩

治平元年建忠義堂於逍



遙堂南

堂東西壁繪像凡四十七聖人一人周公社稷忠臣十六人張良以下節義忠臣十九人申包

胥以下諫爭忠臣十一人樊噲以下

庭間有池作亭其上曰熙熙治平圖見政和

元年黃尚書裳吏名得象自為記後廢池存

熙寧八年元郎中積中更甘棠

門名為春臺館其後錢公四亭摧壞紹興十年張丞相

浚理夢蝶故址為偃蓋亭二十三年張侍郎宗元改創

為秀野亭

取東坡獨樂園詩花木秀而野之句有教授徐士龍記

又創清風亭於

秀野亭之南

雙松亭秀野亭之東北有蔡公襄隸書額

後刻石立日新堂左公

為守時所創也宣和七年俞提刑向修紹興二年程待

制邁重

修治平熙寧圖亭西有火箭庫後廢

威武堂忠義堂之西有蔡公襄所書額公為守時所創

也紹興二年程待制邁

修前有教場西有敦教場廟熙寧圖作永安王廟今永安王

廟在道遙堂東

坐嘯臺道遙堂之北舊養和亭也

見熙寧圖

熙寧二年程大

卿師孟築為臺初名翫月

見熙寧圖

宣和五年俞提刑向以

得象亭材創更名月榭紹興二年程待制邁重修改今

名有劉嶠所書額

威武臺城隍廟東

今興福  
菴之東

熙寧二年程大卿師孟築城

日封其址為之今基猶存

時又負城為三亭春風亭在  
東山樓之北吏隱亭在城隍

廟西北雅歌亭在城隍  
廟西南各有詩今皆廢

蕃宣樓城西北隅舊碧峯亭也

見治平圖

熙寧二年築子城

改創城上凡九樓

西湖樓蕃宣西五雲樓城西南下金  
墉橋三山樓城東南下長利橋清微

樓清泰門上東山樓康泰門上堆玉樓城東北隅今觀  
風亭緩帶樓城北今起覽亭望雲樓城西今怡山閣並

見熙寧圖今惟清微東山與此存

樓東有亭曰野  
雲淳熙五年創

怡山閣坐嘯臺之東舊望雲樓閱射亭荔枝樓之地也

治平圖只有閱射亭在其東熙寧圖增荔枝樓於亭西而中為望雲樓

元祐五年柯龍圖

述創紹興二年程待制邁修

懷隱菴和樂堂之後州宅牆之南紹興十四年葉觀文

夢得創

沈括有懷隱集載居山之式後歸休於夢溪葉公慕之以名菴自題云春風的的為誰來逸舍

閒花亦謾栽菴內不知菴外事夜來微雨小桃開

菴東小亭曰歸意

亭之東有元明王廟

相傳閩王時竈神

西小亭曰柏悅

清閔亭自九仙樓下涉石橋而南為南園紹興十六年

薛殿撰弼創亭曰清閼

今廢

又創亭於其東曰與春

後改名清

虛

觀風亭城東北隅舊堆玉樓地紹興十年創

額張丞相兄澆書

十六年薛殿撰弼修

超覽亭天王堂西舊緩帶樓地淳熙五年創

亭西有亭曰流憩同

時作

澄瀾閣舊西湖樓基待制趙公汝愚創建

公題於柱曰熙寧圖西

湖樓在州治直西鹿項門之南久廢不存矣澄瀾閣在舊子城之西跨古渠南向秋風亭下有敗屋數椽猶在

或是其處也湖事既興俯視衆役乃即樓之故基為屋  
十楹將因樓之名則太質而閣顧不可緩營也遂以澄  
澗易之亦存  
古之義云

天王堂城北舊有門唐貞元中軍悖南旬師乘而入閭

濟美塞之後咸通七年李瓚乃版築其上作天王堂

有館

驛巡官鄉貢進士盧標作修築城北門及叛天王樓記  
今存僧史略云天寶元年西蕃寇安西明皇詔不空三  
藏誦經不空因言北方毗沙天王神通可以禦之會安  
西亦奏將戰有神文餘金甲而來因勅諸道州府城東  
北及營寨  
並設其像

威武營威武堂教場之南舊駐泊廣勇營之地也

見治平熙

寧  
圖淳熙五年為營以居衛兵

轉運行司

國初諸路置轉運使太平興國三年錢氏納土閩為兩  
浙西南路置使副尋省獨使一員五年始命太子左贊

善大夫賈昭明為本路轉運判官

無副者置天聖六年  
罷之七年復置慶厯

五年復罷嘉祐二年後置

雍熙改福建路將輸舉刺自端拱明道之

際詔所屬郡不輟巡按

端拱詔或端生本司或故留諸  
郡深彰曠職殊不盡心自今並

須不住巡按所部明道初今後並  
州軍將帶本司公人兵士不得過  
二十人司屬不得過

二故逐州皆有行司舊記轉運行衙在府西南隅

置司建州

蓋舊

矣考治平圖府西南公宇東為運判司西為轉運司

而於其南同一門曰西總蓋舊行部所舍也

虎節門內之西有西

總門南向即俗呼西衙蔡公襄自知福州除本路轉運使有移居轉運署詩

熙寧既築子城

併二司為一

併運判司轉運司為一

更其門東向時提刑司同提

刑司實在其北

見熙寧圖時大街西有提刑司同提刑司轉運司蓋始以同提刑及轉運廳門

東出尋罷同提刑司政和間始併轉運司為提刑司屬官

廳吏舍省馬院架閣庫等而遷轉運行司於府東迎仙



館

治平圖南禪寺東曾師建記政和五年三月撤舊迎仙館增而廣之靖康元年罷廣訪

使者又以其廨為之今試院西是也

廣訪衙本駐泊廳地其東有隆道侯

廟慶歷八年鄉貢進士翁定基為記駐泊都監楊永慶刻石今存

建炎二年以建寇故

移司福州紹興二年還建州三年復移福州尋仍舊其

廳事之東有繡采堂恕堂公明堂

乾道間武憲權寓此所修而名之

又

其東涉池橋有清和堂而迎仙館遂為轉運東行司兩漕所舍各趨其近東行司亦浸摧圯矣

### 提點刑獄司

淳化二年詔諸路轉運司以常參官一人糾察刑獄事  
於是司門員外郎董循等分充諸路轉運司提點刑  
獄四年罷之獨委轉運使蓋始隸漕臺也景德四年乃  
命與轉運使分路提點選朝臣及諸司使副至閤門祇  
候明幹者充太子中允直集賢院丁遜為本路提刑供  
奉官王守元為同提刑兩員自是始天聖六年並罷交割  
與轉運使訖赴闕明道初復置舊記公宇在府西南有  
公人歸元差來處上下衙蓋今所也范遵圖經上下衙俱虎節  
門內治平圖運判司東北嘉祐五年

罷同提刑熙寧元年復置二年既築子城乃以同提刑

司與提刑司各為大門東出

見熙寧圖

尋罷同提刑政和間

遂以其廨與轉運司皆為提刑司屬官廳吏舍省馬院

架閣庫等宣和三年增置武臣靖康元年罷紹興三年

四月移司建州十一月仍舊乾道六年復增武臣初寓

轉運行司淳熙三年乃於提刑司中門之內分公宇為

東西兩廳

武憲葉南仲  
修建自為記

舊治有前後廳事兩所皆明道

二年劉比部立之所建後廳之西有池創閣其上池閣

之北有一堂焉

熙寧五年提刑宋道為記云廨有東堂甚壯舊不名四隅鑿小牖前後二戶至

卑乃撤去闢為四軒高其後閤前不設戶名曰幸堂後更名虛靜俞龍圖時詢幸堂所在已更此名矣而

宅堂在其西

宋提刑記廨有東堂則舊宅堂在其西可知宣和時已廢俞龍圖記不載後廳

之北故有堂也

宣和時已為宅堂又於其後為亭曰雙桂康定元年李都官

敷於堂之北復建兩堂

前堂解龍圖向名曰澄清後堂俞龍圖向名曰憲堂後更名中

慶於中慶之東有小軒曰靜寄嘉祐七年王郎中陶創兩亭於堂左右

左亭俞龍圖向名曰熙春後類廢呂敷文企中重建於看樓西南右亭俞龍圖向名曰藏春梁上題嘉祐七年

壬寅正月提點刑獄職方貢外郎王陶建後更名留春八年復創亭後廳之東北

舊名繡衣更名薰熙寧五年宋郎中道既修建幸堂遂

闢其旁為軒

北軒俞龍圖向名曰清逸其東有小軒俞龍圖後名曰幸軒

東軒之左

附以便室

俞改名曰山齋

宣和二年俞龍圖向乃皆葺而新之

各為之命名又建兩樓於兩亭東西

舊熙春之東名曰斑衣樓藏春之西

名曰荔支樓東樓後更名宿雲紹興中災改創看樓總而勝曰樂園

俞作樂園記曰熙寧五年

宋公作憲於此嘗為幸堂記予言和已空詢幸堂所在易名虛靜是也自虛靜之北園館連屬明年更新繕完之名其北曰憲堂南曰澄清廊廡映帶為樂園之冠庭之南有二木栖故亭其下曰雙桂回廊之外左右二亭東曰熙春西曰藏春熙春之東樓額宏麗時可奉親為游覽之地目之曰斑衣藏春之西有樓遍植荔支命之

曰荔支面樓一軒北顧諸亭左右二沼手植瑞蓮名曰清逸幸堂既易不欲廢其名虛靜之東曰幸軒幸軒之左乃治事之便室小山聳翠題之曰山齋宣和四年俞龍圖向記異時樂園作門威武軍西南每歲二月府開西園與民遊玩至三月提刑司亦開樂園各一月頃三十年樂園始罷開矣

及分為兩廳也

毀塞池閣移前廳建後廳之西

後廳遂為東廳前廳遂為西廳武憲所治也其

西有櫺木亭未名

西廳之後遂為燕寢之宅

清逸軒額移勝東廳之東偏不欲廢

其名也

小軒便室乃撤去之為仁亭於兩廳之間餘則如

故也若夫簽廳置中門之外屬官公廨即外門之內檢

法其左提幹其右皆舊所建云

提舉行司

崇寧三年詔諸路置提舉學事四年始建司州南街東

舊都作院地也

見曾師  
建記

五年正月罷七月復置宣和三

年罷建炎三年建卒叛移提舉茶事司於此紹興五年

移泉翊遂廢七年火

西外宗正司

紹興三年詔西外宗正置司福州知宗正司事廨舍始

寓太平寺屬官二員即其東慶成寺居之主管敦宗院

今寺西南宗學教授今寺東北

帥屬解舍

州作帥府自建炎三年始置機宜撫幹為屬以監務廳  
為機宜解舍今旌隱坊北是也

見治平圖  
地名鎮前

紹興五年增

置通判以為通判廳十一年初置叅議猶寓他所至十  
九年通判移威武軍之東後乃以為叅議解舍機宜舊  
占僧寺撫幹負多所居不一後省各一負今累政機宜  
南禪撫幹神光



## 通判廳

州舊通判一員廳於威武軍門內之西

熙寧九年通判方秦建宅堂元

祐四年通判雷豫建廳門建炎四年通判葉擬建長樂堂於其東

紹興五年增一員始

居旌隱坊北十九年通判葉仁以日趨都廳不便乃請

於朝以威武軍之東故知錄司戶廳合而為廨舍

秦呼門內

通判為東通判門外通判却為西通判

淳熙五年復置添差釐務通判寓

轉運行司之東偏

## 職官廳

慶厯舊記本府幕官三其解並府東廊治平間移察推  
廳今定安門內之北府東廊獨為節推簽判廳並見治平圖  
元祐既建試院察推廳復仍舊府東廊今簽判廳察推  
之東節推廳察推之北

曹官廳

慶厯舊記府院在威武軍門外東偏六曹官舍附之兩  
司理院在虎節門外左右觀治平圖威武軍門外之東  
先府院次司法次司戶廳熙寧初移府院門出威武軍

門之內

見熙寧圖

政和間罷府院更兩司理院為左右獄而

府院南為知錄解舍如故建炎初移司法廳府東廊

舊廳

之北曾師建記建炎元年重立額

尋以府院北為撫榦解舍

與司法廳相對門亦

出府東廊紹興十九年合知錄司戶所居為增置通判廳

曾師

建紹興甲寅增廣記知錄司戶廳並在威武軍門外東偏

於是知錄移寓大中寺遷

易不定後撫榦省負乃得今所司戶先僦民居後治威武軍門外西偏故如歸館惟兩司理院即其舊無改作

# 教授廳

教授舊選仕於州有文學者兼居於鄉有德行者充故  
未立廨舍熙寧三年程大卿師孟重建府學乃即園為  
宅以居之

見林希  
州學記

教授有廳自此始今學東是

駐泊都監監押廳

駐泊舊總一道戍卒都監監押主本城兵其始責重故

駐泊兵馬都監廳在府東偏

治平圖在職官廳之東熙  
寧圖門出府東廊在簽判

廳之  
東南

政和中以為廨訪治所移還珠門外

今春風樓地  
見紹興甲寅

曾師  
建記

紹興七年火遂僦居後治雄略指揮教場官廳都

監廳舊寧越門內之東監押廳舊利涉門內之東

見治平熙

寧圖

元豐間以都監廳為東南第十將公廨紹興九年移

副將建州正將始遷其西因以為犒軍庫監押廳不知

何時圯廢

今旌隱坊內橋東

紹興間已為士大夫居宅今都監

監押增四負皆僦居

### 將官廳

今寧越門內之西舊崇輶驛慶厯四年以為路分廳

見治

平熙寧圖

元豐間改副將解紹興九年始為正將廳

監務廨舍

初監務兩員都務官廨舍舊旌隱坊北臨河務官廨舍

舊法海寺北

見治平熙寧圖

建炎以來旌隱坊北迭為機宜通

判叅議廳法海寺北嘗為登瀛館近亦添差簽判所寓  
監務後增三員皆僦居

監甲仗庫廨舍

舊康泰門內之南乾道元年以展拓試院移甌冶池南  
菴舍淳熙八年復為菴舍始僦居

巡檢廳

舊在城巡檢以都監監押兼天禧中嘗令南臺監倉兼管四城門外巡檢公事故巡檢廳在鹽倉之西今閩縣

尉廳是也

見治平熙寧圖

後移置率嶺

巡轄馬鋪

舊在南臺橫山之西

見治平熙寧圖

天聖九年移白田渡景祐

二年移水口尋仍舊

試院

長樂大府祥符以來文物歲盛自景祐建學大比例為  
集試所生員遂廵卽宿於外先聖釋奠亦移他所元祐  
五年柯龍圖述謀所以易之會朝廷下學及孔子廟不  
得試進士之制五月乃擇州治之東南公廨及隙地

治平

圖有察推  
廳及作院

廣二百三十尺有奇而深倍之乃增築廡址

崇其舊三尺穹堂延廡中闢曠除後敞公堂繚以重屋  
以為考校之舍外門之內監門巡鋪彌封謄錄之所皆  
具旬五十而成凡為正屋百有二十區是時舉士纔三



千莪冠鵠袖雍容而入其後寢增至於五倍側肩爭門

坐不容膝紹興十七年乃假漕司行臺以殺其溢然猶

病其隘也

三十二年王尚書師心以就試人益來奏請增考試官三員為十員

乾道元年

郡學諸生鄉士林丙相率以請於王叅政之望乃相其

西北隅官舍易之

如監甲仗庫廨舍之類

得其地東西二十有八

丈南北四之三增為屋百二十有七楹

是歲秋試王叅政有戒諭文云

福唐今年秋賦投家狀於有司者幾一萬七千人鄉舉之衆天下莫比亦閩中昔日之所未有也可謂盛哉前榜自大魁而下聯甲科者五人與臚唱者六十七人國家於此邦人士誠無負矣本州仰體朝廷之意以賓興

為重事開斥貢院編排生次增添內外執事等人種種如法州郡於此邦舉子亦不苟矣諸君盍修身礪行思所以稱副者父兄戒其子弟長上訓其後生朋友之間更相勸約咸趨禮義盡革器浮毋怙眾以作非毋黨惡以長亂絕博塞之戲息錐刀之爭出為里巷之遊必有矜持之色眾庶歸重儒服自尊凡所觀瞻誰敢干侮士風如此顧不美哉或有敗羣不靖之徒多士共疾之蓋歲歷三更科詔一下賢才皆待時藏器指日奮身豈容一夫猖狂以致眾人顛沛且大開選舉精考藝能乃功名富貴所由之途非充暴強豪興爭之地正使捷如慶忌勇若孟賁何取於翰墨之場予一犯嚴科自有公法三木被體二物加威屏於遠方編之罪籍與夫鹿鳴開宴黃堂享勸駕之儀豹變選鄉綠袂耀觀光之寵者榮華侈辱烏可同日道哉又況問步既騰亨衢甚坦稽古所獲不止於此而已夫以萬七千人羣考於此其間瑣碎寧無短長在於寬通所宜闊略三日借路豈責其全

一忽亡身雖悔何及至如將來引試切忌攬先蓋緣題目出頌必俟舉人盡入何須競進以冒隘途雖少遷延未曉晷刻遠於踐踈方免憂危宅心既寧下筆孰禦又按設既定尺寸有分移徙亂行擾動實深我欲自便人將謂何若其有知必不為此嗚呼在醜不爭先聖之格言畏威如疾前賢之明戒凡我應書之衆勿屑細故以達大自期鴻鵠秋天一飛萬里安可量也惟諸君勉之 淳熙元年應詔者二萬人

史丞相浩講求累舉之弊乃復假簽判察推知錄司法

四廳以益之以大廳兩廊坐負城兩縣舉子

舊坐三縣人以添四

廳故只坐兩縣

而懷安福清羅源於行衙長溪永福古田於舊

展試院

乾道元年所增屋宇

連江長樂閩清寧德於新展四廳就

試試之日四其門以入之而出以二

時曉示闕縣候官士人並於定安門

入試院門晚出中門納卷畢出試院大門懷安福清羅源並於依仁坊門入行衙興賢堂桂堂外長溪永福古田從東康門入舊展試院入訖闕閉不許出入連江長樂寧德從鼓門內東廊入新展四廳入訖闕閉不許出入凡十縣並出行衙中門納卷畢出行衙大門先是行下諸縣士人有訟在官除事干人命外其他並與結絕或召壯保許試遂約束結保納家狀以七月十五為限以憑類保排定試按限滿射保或改姓名不許收受尋有在外遊學方歸續射保者別就他處排坐內閩候官士人從鼓門裏東廊棘門入司法廳寧德長溪古田永福士人從東康門入舊展試院就試晚出並由行衙大門異時試院街南一帶人戶各安泊舉人入試每候開門率爭先突入至是帖廂官刷具姓名初令監門官禁止有後門者亦權織斷不許通東衙巷

公服立門左右肅揖而後入巡按者唱坐已定不許徒

案

只許保頭起身取卷

始罷卒名編攔號為祇應逐間榜揭姓名

以待需喚猝有疾患批歷至府不移時給藥以時警其

怠慢者

時以為禮闈當如此置巡按官抄附祇應功過歷一道取藥歷一道應兵級供應從早至夜合

不佳火常將沸湯頓貯令溫以備呼喚有不巡按官行遣畢上歷候開院勘斷不違慢者犒賞凡外

門有所傳入常切機察

先是告示官私屋賃士人就試及賣試按人並不許長價納卷

吏貼不得邀覓錢物其試院諸官廳祇應人及雜職獄子并使府諸官廳虞侯當直人等不得徇習更就吏貼乞取常例及其他各已優待舉人又自作勸諭文以戒爭門先入毀棄卷按鼓噪場屋者至是又關防上件

欽定四庫全書

鴻臚三山志  
卷七

三

建晚設燎門道列十四幕為納卷所

闕候官分六幕新舊展拓試院分七

幕其續射保人別置一幕

是歲策問始命工鋸板分離防漏泄也逐

篇目限以一紙期趣辨也

舊策題並連黏三篇方捲入試卷分俵多是臨期不辨今

只將紙作樣造板如問目稍長計會試官細字

凡納卷書寫只以一幅為限疊三紙捲入不須連黏

有號簿彌封官手自封押

逐場彌封畢即以號簿入匣封押永不得開其單號簿逐

夜繳入監試處不得漏泄如將來有行先報姓名並根究

增謄錄為三百人

十人為甲置交

卷歷一道功過歷一道有節去文理添注難一折換卷頭或別行抄上白卷者悉許人告其同甲能自舉首與

免謄錄或課寫不辨依指揮牒院展日考校

初禁兩司官人來往

舊謄彌封謄錄兩處官

吏不禁  
往來

別差對讀官

舊就委  
勝錄官

始選楷書十名分諸考官

位以備抄寫

每位楷書一名送紙五百張  
欲再勝以歸者自令抄寫

遇再勝卷獨

許關監試躬點簿混以五號批下從彌封官措置貼號

監寫封入

前已勝錄却以正卷發過彌封所今只委  
彌封官封貼字號監臨勝寫拘收正卷

纖

悉嚴密訖試無違犯者至今行之

州自國初舉子尚少  
錢氏歸朝解額未有

定法天禧四年詔節鎮州府取進士二人累增至天聖  
七年為十八人明道二年增為四十一人景祐四年以

明道二年所增人數太多令十取二州該四人併天聖  
七年額為二十二人慶歷五年貢舉所以元年就試人

數解二分不得過元額之半州談增十一人併景祐四  
年所解總三十三人嘉祐二年以四歲科場時頗淹久

欽定四庫全書

卷七

淳熙三山志

七

自今間歲一試三年禮部因請減諸州解額之半遂減一十六人五年增解額以就試人數為率舊一十七人增為二十五人元給事絳勸駕詩英輶五五出南閩蓋謂是也治平元年嚴挾書之禁

都倉

州都倉舊名西版倉閩王審知創子城外皇朝熙寧二年拓豐樂門城為子城倉乃在內元祐四年建倉廳治教廡翼以旁屋大小凡二百一十區政和八年重修建炎元年復修列倉教於兩廡凡三十八眼以千文題其號紹興四年石甃兩廊以便輸納

常平倉舊在倉內



# 鹽倉

國初轉運司置倉南臺儲福清長樂等縣

長溪寧德羅源連江運置

至天聖六年罷

鹽給州縣務

州有鹽稅務縣各置鹽稅務及倉

聽民自買今闕

尉廳東教場其地也

見治平熙寧圖在武勝王廟之南按祥符五年轉運司奏鹽倉在城

外十里有一二千家接連城內

大中祥符五年以水口嵩溪驛增為倉

移運上四郡綱鹽於此以便搬賣明道二年罷元豐元

年復之政和八年詔移水口倉於懷安縣創蓋

時興化軍以涵

頭倉運鹽到此搬剝留滯奏移懷安始在縣治西一里黃石崎山置

宣和四年復歸水口

時科賣民戶鹽始不給還於是南臺倉亦廢矣

徐成忠  
銓私記

此年產鹽每觔添一文  
為十九文無鹽給還

建炎間停水口倉復創蓋於懷

安紹興十一年轉運使余應求賀允中自縣西移置東北地名郭埕即今所

安撫司監倉

紹興初帥奏置回易後始運賣官鹽以寧越門內之東舊將官廨積貯號犒軍庫乾道八年轉運司行鈔鹽法以合沙江南舊濟川亭為倉尋罷鈔鹽遂歸安撫司

## 軍資庫

府衙門內東偏天聖七年尹屯田錫重建

曾師建記

慶厯六

年蔡正言襄修

治平圖序

常平庫舊附之有轉運司上供庫

在其西北

## 公使庫

大廳前過西園路之南嘉祐八年元給事絳作公使七

庫

按元公自書記云是年建公使七庫治平圖在西園門南有四庫東酒庫西醋庫又西省庫又西進奉庫

熙寧圖東銀器庫次帳設庫南公使庫又南醋庫西進奉庫今東公使醋庫庫南公使錢庫西公使酒庫又南

有一庫內元係公使雜物庫公使銀器庫公使帳設庫後移三庫於忠義堂西以為安撫司錢物庫餘為公使庫酒宣和二年俞提刑向修俞公自書再任使事兩領帥轄幾及二年經營補整倉庫軍營城門公宇亭榭池館為之一新公帑什物帶幕罇俎粗亦備具

安撫司公使庫

帥司錢庫在大廳之南與架閣庫門之東西為三若公使錢物酒庫初皆即忠義堂西為之既而錢物移使院門北惟忠義堂西廊南酒庫如故

安撫司抵當庫

安泰橋北之東舊利涉門下今抵當庫也又時設於威

武軍門西及還珠門外凡三所

州抵當庫起元豐七年屬常平後寢廢紹興初

帥奏行回  
易此始置

### 經總制庫

經制錢起宣和三年至建炎三年詔守臣樁管令提刑  
司變轉輕賁起發紹興四年專委通判五年初取總制  
錢主管官如經制法十年勅經總制錢通判廳置庫別無  
當職官干預以是專庫侵盜其令發納軍資庫別為庫

眼椿管許通判不時檢察十五年兼委知通十六年獨  
委通判二十一年改行十五年之制三十一年復詔通  
判廳置庫出納委提刑司檢察之今經制庫置內通判  
廳總制庫紹興十七年自軍資庫移外通判廳置今內  
通判  
廳又有  
牛皮庫

作院

嘉祐八年元給事絳建定安門內之北見治平  
熙寧圖元祐初  
建試院其所移南街東崇寧中以其地置提舉學事司

乃遷今開元寺南紹興初寺為啓運宮奉迎所於是別置鐵作院清遠門內之東謹火禁也

### 使院

大廳前過西園路公使庫之南嘉祐八年元給事絳建

其門出府西廊立使院額

與東廊節推廳對見治平圖

熙寧後以不

嚴密移額北大廳

見熙寧圖

隆興間嘗遷簽廳於院中廳

復闢府西廊門既而以不便仍舊今為吏舍

### 衙院

舊在府東廊職官廳之南今不廢

都稅務

舊額茶鹽商稅務國初茶鹽有推官自設市於此收稅

官通領之熙寧三年罷科賣茶故至今只稱鹽商稅務

雖產浮鹽久不給其名不廢也舊務還珠門外西偏今

風樓見治政和間以為駐泊治所遂移今安泰橋北之

西舊駐泊廣紹興七年災再創

勇營地

臨河務



州東南美化門內

慶應記治平圖紹興甲寅曾師建記同

古南鎖港凡百

貨舟載此入焉故務於是置

樓店務

治平記左廂屬州東兵馬監押治所右廂屬州南兵馬都監治所後合為一以都監主之淳熙元年以隸司法廳

修造場

舊威武軍門外西偏

見治平圖

後為如歸館復為醋庫今司

戶廳是也場後隸都監

### 抽木場

治平圖有退木場在宜興門外之北旁有磨務熙寧圖  
場與務皆廢矣淳熙五年為安撫司客邸惟抽木場附  
臨津館後凡抽木七分變轉以歸經制此主焉三分入  
河以備州用修造

今權就忠懿  
王廟內收管

### 審務

慶厯舊記務在南臺主造磚瓦凡官有修築營繕命流

役人充作治平圖南瓦窰巡檢廳之西今閩尉廳後是也後並  
為閩尉廳窰遂廢

船場

慶厯舊記場在南臺舊鹽倉之東今閩尉教場東也治平圖復

在井樓門外州東北古有船場門謂此今皆廢官造舟  
率就河口彌勒院之旁

灰場

舊在窰務之西見熙寧圖後廢

炭場

舊宜興門外之北

治平圖無  
熙寧圖有

淳熙三山志卷七